


文獻通考

百四十二之四


謚法

漢書門	二	四
類	一	三
號	八	一
函	一	四
架	一	三
冊	一	四




內閣文庫	漢書
類	一
號	一
冊	一
架	一
函	一
冊	一
架	一

內閣文庫	漢	243.1
冊數	81	(48)
函號	294	13



綴じ部(喉部分)の文字など開きが不鮮明な箇所あり



續文獻通考卷之一百四十二

淺草文庫

皇明進士雲間王圻纂輯

謚法考 北齊帝后至隋臣

北齊帝后謚

高祖神武皇帝姓高名歡字賀六渾渤海蓍人仕魏為相
國封齊王武定五年薨謚獻武王天統元年改謚神武
皇帝 婁皇后名昭君武成大寧二年崩謚明

世宗文襄皇帝名澄字子惠神武長子仕魏為相國封齊
王武定七年為梁將蘭欽子京所殺八年謚文襄王天
保元年追尊為文襄皇帝 元皇后魏孝靜帝之妹文
宣受禪尊為文襄皇后後文宣又淫於后武成中卒謚

敬

顯祖文宣皇帝名洋字子進神武次子天保元年受魏禪
十年暴崩於晉陽廢帝乾明元年謚文宣天統初詔改
謚景烈廟號威宗武平初復本謚號顯祖 后李氏爲
武成所亂後爲尼

孝昭皇帝名演字延安神武第六子乾明元年少主被廢
遂卽帝位皇建二年崩於晉陽宮大寧元年謚孝昭
初孝昭崩魏收議謚爲恭烈裴渾抗論曰魏收死後亦
不肯爲恭烈之謚何容以擬大行且比皇太后不豫先
帝殮寢失常聖躬貶損今者易名必須加孝遂改爲孝
昭

世祖武成皇帝名湛神武第九子皇建二年卽位河清四
年傳位太子天統四年崩謚武成

北齊宗室謚

清河王嶽字洪略神武從父弟魏侍御中散翻之子天保
六年謚昭武

趙郡王琛字元寶神武弟以亂神武後庭杖而卒天平時
謚貞一謚貞平 陳留王惠寶琛母弟天統三年謚文
恭

長樂太守贈大將軍司空靈山字景高神武族弟謚文宣
陽州公永樂神武從祖兄子謚武昭

永安王浚字定樂神武第三子以直諫爲文襄所誅乾明

元年謚簡平

平陽王淹字子邃神武第四子河清二年謚靖冀

彭城王浹字子深神武第五子河清二年為盜所害謚景思

上黨王渙字敬壽神武第七子與永安王肩被殺乾明元年謚剛肅

襄城王濟一名清神武第八子乾明二年謚景

高陽王湜神武第十一子乾明初謚康穆

博陵王濟神武第十二子天統五年以言語不倫後主陰使人殺之謚文簡

漢陽王洽字敬延神武第十五子乾明元年謚敬懷

河南王孝愉字正德文襄長子為武成所毒謚康獻一謚

康舒

蘭陵王長恭一名孝瓘文襄第四子謚武

瑯琊王儼字仁威武成第三子後主忌而殺之謚恭哀

北齊諸臣謚

尚書太僕射兼侍中贈太保冀州刺史藍田縣公高德正

渤海人故魏征虜將軍顥之子宣武初以讒見殺神武

執政時謚康

御史中尉贈大司馬太尉錄尚書事定州刺史竇泰字世

寧太安捍殊人神武西征以中尉從為周文所襲自殺

謚武貞

定州刺史贈假黃鉞太師太尉太原王婁昭代郡平城人
神武執政時謚武

楊州刺史贈尚書令司空公蔡雋字景彥廣寧石門人神
武執政時謚威武

幽州刺史贈司空尉長命太安狄那人神武時謚武壯

常山公府參軍贈涇岐幽三州軍事集中縣侯尉興字

興敬長命子從神武攻周文帝於邛山中流矢卒謚閔

莊

山東大行臺大都督贈太尉段榮字子茂武威姑臧人神

武秉政時謚昭景 左丞相贈假黃鉞相國太尉錄尚

書事朔州刺史廣平郡公段韶字孝先榮子武平二年

謚忠武

征虜將軍散騎常侍李系趙郡栢人人武定八年卒齊初

贈平東將軍北徐州刺史謚文 司徒右長史贈青州

刺史李繪字景文系族謚景 太子家令贈北徐州刺

史李緯字景乾繪弟謚文

尚書右僕射開府儀同三司贈司徒公鉅鹿侯魏蘭根字

蘭根鉅鹿下曲陽人神武執政時謚文宣 左光祿大

夫齊州刺史贈司空尚書左僕射魏收字伯起小字佛

助蘭根族姪武平三年謚文貞

太傅贈太師開府錄尚書事孫騰字龍雀咸陽石安人神

武執政時謚文

晉州刺史驃騎大將軍贈司空房謨字敬放河南洛陽人
文襄時謚文惠

魏濟陰內史齊贈度支尚書陳終德廣宗人以子元康貴
追謚貞 散騎常侍贈司空陳元康字長猷終德子以

文襄之難被害謚文穆

尚書右僕射贈開府儀同三司尚書左僕射青州刺史薛
琚字曇珍代人魏徐州刺史彪子之子顯祖文宣天保
初謚威恭

兗州刺史開府儀同三司叱列平代郡西部人天保初謚
莊惠

故魏征南將軍給事黃門侍郎齊贈使持節侍中都督殷

滄二州諸軍事車騎大將軍儀同三司仍殷州刺史李
騫字希義趙郡平棘人天保初謚文惠

太宰章武郡王庫狄干無善人天保中謚景烈

太常卿都督贈侍中開府儀同三司冀州刺史乘氏縣子
高季式字子通渤海蓆人魏樂城侯翼之子天保四年

謚恭穆

大司馬贈假黃鉞相國太宰太師朔州刺史安德郡王韓
軌字伯年太安狄那人文宣時謚肅武

太尉贈太師太尉懷州刺史須昌縣公司馬子如字遵業
河內温人文宣時謚文明 祠部尚書贈開府儀同三

司中書監温縣伯司馬子瑞子如兄纂之子謚文節

尚書右僕射儀同三司贈開府儀同三司尚書左僕射定州刺史崔暹字季倫博陵安平人天保十年謚貞節

七兵尚書贈都督滄州刺史昌陽縣伯可朱渾元字通元遼東人謚恭武

南汾州刺史贈大司馬司徒公尚書令劉豐字豐生晉樂人謚忠武一單謚忠

滄州刺史贈尚書令司徒公太傅廣川縣公破六韓常字保年單于之裔謚忠武

儀同三司右僕射封子繪字仲藻魏太保封隆之子世祖武成河清三年謚簡

太子少保左光祿大夫儀同三司兗州刺史贈開府儀同

三司中書監北豫州刺史鄭述祖字恭文滎陽開封人

後主天統元年謚平簡

秘書監贈右僕射張曜字靈光上谷昌平人天統初謚貞簡

太師左丞相贈假黃鉞相國太尉公咸陽郡王斛律金朔州敕勒部人天統二年謚武

右丞相錄尚書事贈假黃鉞相國太尉錄尚書十二州諸軍事朔州刺史安定郡王賀拔仁字天惠無善人後主

武平元年謚武

膠州刺史贈使持節揚郢二州軍事開府儀同三司尚書右僕射揚州刺史杜弼字輔玄中山曲陽人武平元年

謚文肅

銀青光祿大夫贈大理卿濟州刺史武成公崔贍字彥通
清河東武城人武平初謚文

侍書御史兼太府卿贈儀同三司宋游道廣平人武平中
以子士素久典機密謚貞惠

給事黃門侍郎儀州刺史贈司空公尚書左僕射冀州刺
史和安信都臨漳人以子士開貴幸謚文貞 侍中左
僕射贈假黃鉞十州諸軍事右丞相太宰司徒公錄尚
書事和士開字彥通以佞見幸武平時爲琅琊王儼等
所誅謚文定

趙州刺史贈司空公尚書左僕射瀛州刺史胡長粲安定

臨涇人魏安陽宣侯虔之子後主時謚文貞

贈特進開府儀同三司中書監元晞魏昭成帝五世孫以
子文遙貴且有孝行追謚孝

北恒雍二州刺史贈司空當亭縣侯賀若統河南洛陽人
其先漠北人謚哀

殿中尚書監瀛州事儀同三司贈中書監北豫州刺史陽
裴字叔鸞右北平無終人謚簡一謚敬簡

侍中太子太師贈司徒公錄尚書事徐之才丹陽人善醫
術謚文明

揚州刺史贈司空冀州刺史盧勇字季禮范陽涿人謚武
貞

南鉅鹿太守贈南兖州刺史崔伯謙字士遜博陵安平人
謚懿

都官尚書贈司空平鑒字明遠燕郡薊人謚文

廷尉少卿贈光州刺史宋世軌西河介休人謚平

中書令開府待詔文林館贈齊州刺史尚書左僕射崔劼

字彥玄故魏司徒光之子謚文貞

給事黃門侍郎侍中散騎常侍兼御史中丞贈吏部尚書

并州刺史王松年太原晉陽人魏寧南將軍慧龍之元

孫謚平

吏部郎中陸印字雲駒代人魏安北將軍相州刺史子彰

之子謚文

鄭州刺史贈驃騎大將軍和州刺史郎基字世業中山人

謚惠

東南道行臺開府燕國公贈太尉慕容紹宗慕容晃第四

子謚景惠

後周帝后謚

德皇帝姓宇文名肱代郡武川人其先世為鮮卑君長肱

以武成初追謚德皇帝

太祖文皇帝名泰肱之少子魏恭帝元年位太師大冢宰

其年薨謚文公孝閔受禪追尊為文王武成元年追尊

為文皇帝 叱奴皇后代人武帝建德三年崩謚宣

孝閔皇帝名覺文帝第三子魏恭帝之三年冬受禪明年

續文獻通考 卷之二百四十三
為宇文護所弑謚孝閔

世宗明皇帝名毓文帝長子孝閔元年九月即位武成二年崩謚明 獨孤皇后太保衛公信之長女謚敬

高祖武皇帝名邕文帝第四子武成二年即位宣政元年崩謚武 阿史那皇后突厥木杆可汗俟斤之女隋開皇二年殂謚成

宣皇帝名贊字乾伯武帝長子宣政元年六月即位尋傳位於靜帝二年崩謚宣 楊皇后名麗華隋文帝之長女隋興欲奪其志誓不許

靜皇帝名衍宣帝長子大定元年二月遜於隋隋開皇元年遇害謚靜

後周宗室謚

邵公顥太祖長兄保定初追謚惠 顥子什肥保定初謚

景 顥子都督晉公護天和六年以專權見殺建德三年追謚蕩 顥子大將軍大都督國公導魏恭帝元

年謚孝 導子陝州總管太保國公廣字乾歸武帝

時謚文 廣弟西陽郡公翼字乾宜謚昭

杞公連太祖次兄保定初追謚簡 連子杞國公光寶保定初追謚烈

莒公洛生太祖第三兄保定初追謚莊 洛生子莒公菩提保定初追謚穆

虞公興太祖從弟天和二年謚靖

廣川公測字澄鏡太祖族子大統十年太祖執政謚靖

安化公深測弟保定時謚成康

宋公震太祖子保定元年追謚獻

衛王直太祖子武定時以反誅謚刺

齊王憲太祖第五子大象初以忌見縊追謚煬

趙王招太祖子以謀誅隋文見殺謚僭

譙王儉太祖子為隋文所害謚孝

陳王純太祖子大象二年為隋文所害謚惑

越王盛太祖子大象二年為隋文所害謚野

代王達太祖子大象二年為隋文所害謚曩

冀王通太祖子大定中為隋文所害謚康

滕王迨太祖子大象二年為隋文所害謚聞

紀王康字乾安孝閔子建德五年以有異謀賜死謚厲

畢王賢字乾陽大象二年謀除隋文見害謚刺

後周諸臣謚

前軍大都督贈定冀等十州諸軍事定州刺史太宰錄尚

書事瑯琊公賀拔勝字破胡神武尖山人大統十年文

帝執政謚貞獻 都督二雍二岐四梁三益巴三夏蔚

寧涇二十州諸軍事贈侍中太傅錄尚書事都督關中

三十州諸軍事大將軍雍州刺史霍國公賀拔嶽勝弟

永熙二年為齊神武所害謚武壯

都督秦渭原涇四州諸軍事秦州刺史念賢字蓋盧屯留

人謚昭定

東雍州刺史贈太尉尚書令雍州刺史廣平郡公梁禦字善通其先安定人後家武川大統四年文帝執政謚武昭

贈驃騎大將軍太尉尚書令松陽郡公寇洛上谷昌平人
大統五年文帝執政謚武

雍州刺史扶風郡公贈太尉都督相冀等十州刺史王罷
京兆霸城人大統七年謚忠

太傅開府儀同三司蔡郡公王盟其先樂浪人後家武川
明德皇后之兄大統十一年謚孝定 都督贈使持節
太尉尚書令十州諸軍事雍州刺史追封咸陽郡王王

勦盟子文帝執政時謚忠武

開府侍中涇州刺史河間郡公王德字天恩代郡武川人
大統十四年謚獻

驃騎大將軍開府儀同三司固安公韋祐字法保京兆山
北人大統末歿于陣謚莊

宜州刺史贈柱國大將軍原州都督懷寧郡公蔡祐字承
先高平人文帝時謚莊

東雍州刺史贈長廣郡公太尉劉亮中山人文帝執政時
謚襄

司空贈秦州刺史長樂郡公若于惠字惠保代郡武川人
文帝執政時謚武烈

東西北三夏州諸軍事夏州刺史贈華州刺史樂陵郡公
怡峰字景阜遼西人文帝執政時謚襄威

太子少傅車騎大將軍儀同三司散騎常侍贈冀州刺史
孟信字修仁廣州索盧人文帝時謚戴

使持節太保柱國大將軍大都督大宗伯趙郡公李弼字
景和遼東襄平人明帝初謚武

戶部中大夫驃騎大將軍開府儀同三司贈太子少師蒲
州刺史清河縣公裴俠字嵩和河東解人明帝武成元

年謚貞

都督金興等六州諸軍事金州刺史贈大將軍華洛等二
州刺史上洛郡公泉仲遵上洛豐陽人武成初謚莊

贈柱國大將軍太傅長樂郡公尉遲侯堯代人武成初追

謚定 大司空贈太保吳國公尉遲綱侯堯子天和四

年謚武 秦州總管贈太僕丞七州諸軍事盧國公尉

遲運綱子大象元年謚忠

大將軍宜州刺史范陽郡公盧辨字景宣范陽涿人明帝

時謚獻 虞州刺史行陝州總管府長史燕郡公盧光

字景仁辨弟武帝時謚簡

柱國夏州總管贈涼瓜等十州諸軍事涼州刺史追封鄜

國公長孫儉其先代人魏北平王嵩五世孫明帝時謚

文

侍中驃騎大將軍開府儀同三司贈岐宜二州刺史平齊

縣公韋瑱字世珍京兆杜陵人明帝時謚惠

驃騎大將軍開府儀同三司平陽縣公達奚寔河南洛陽人高祖武帝保定初謚恭

總管梁興等十九州諸軍事梁州刺史贈虞陝華上路五州刺史楊寬字蒙仁弘農華陰人保定初謚元

大將軍贈成文等八州刺史冠軍縣公楊紹字子安弘農華陰人保定二年謚信

驃騎開府儀同三司贈定瀛冀三州諸軍事冀州刺史西安縣子冠雋字祖雋上谷昌平人保定三年謚元

魏樓煩郡守周贈散騎常侍征西大將軍涼州刺史史遵建康表氏人以子寧貴追謚貞 荊州刺史荆襄浙鄂

等五十二州江陵鎮防諸軍事史寧字永和保定三年

謚烈

使持節柱國大將軍大都督少傅彭城公侯莫陳崇字尚樂代郡武川人保定三年爲晉公護所殺初謚躁護誅改謚莊閔

使持節大將軍大都督岐州諸軍事岐州刺史武威郡公王雄太原人保定四年謚忠

使持節驃騎大將軍開府儀同三司大都督昌歸憲三州諸軍事昌州刺史贈大將軍五州刺史靜安郡公席固字子堅其先安定人保定四年謚肅

使持節大將軍大都督荊州諸軍事荊州刺史博陵公賀

蘭祥字盛樂其先與魏俱起後家武川保定四年謚景
 岐州刺史贈太保同鄜等十州諸軍事同州刺史楚國公
 豆盧寧字永安昌黎徒河人保定五年謚昭 隴右總
 管府長史贈少保幽冀等五州諸軍事幽州刺史沃野
 縣公豆盧永恩寧弟保定時謚敬
 使持節大將軍大都督七州諸軍事雍州刺史高陽侯達
 奚武字成興代人保定五年謚桓
 大將軍贈都督揚州刺史清寧郡公梁椿字千年代人保
 定時謚烈
 安應等十二州諸軍事安州刺史樂昌縣公郭賢字道因
 趙興陽州人高祖天和元年謚節

眉復二州刺史持節驃騎大將軍開府儀同三司贈絳晉
 建州刺史冠軍公裴果字戎昭河東聞喜人天和二年
 謚質
 太保贈太傅許國公宇文貴字永貴其先昌黎大棘人天
 和二年謚穆
 都督中州刺史贈大將軍五州諸軍事新義郡公韓雄字
 木蘭河南東垣人天和三年謚威
 使持節柱國大將軍大都督大司空常山公于謹字思敬
 其先代人天和三年謚文
 贈使持節柱國大將軍大都督十州諸軍事原州刺史西
 河郡公李賢字賢和隴西成紀人天和四年謚桓 開



府儀同三司贈上大將軍襄陽公李端字永貴賢子高
祖時鄴城戰歿謚果 使持節大將軍大都督陽平公
李遠字萬歲賢弟建德元年謚忠隋開皇初改謚懷

江州刺史贈使持節上開府儀同大將軍曹徐譙三州
刺史燉煌郡公李基字幼和遠子宣武宣政元年謚孝

右二軍總管贈使持節柱國大將軍同華等五州刺史廣
城郡公段永字永賓其先遼西石城人天和四年謚基

大將軍西寧州刺史贈四州刺史瑯琊公司馬裔字遵胤
河內温人天和五年謚定 兗州刺史贈豫州刺史司

馬侃字道遷裔子天和時謚惠
使持節成州諸軍事成州刺史贈大將軍揚州刺史劉志

弘農華陰人天和五年謚文

少師安豐郡公庫狄峙其先遼東人天和五年謚定

小宗伯博平縣侯申徽字世儀魏郡人天和時謚章

華州刺史贈少傅都督司豫洛相冀五州諸軍事司州刺

史鄭偉字子直滎陽開封人天和六年謚肅

柱國江陵副總管贈五州諸軍事冀州刺史犍為郡公高

琳字季珉其先高句麗人天和六年謚襄

少保贈涇岐燕三州刺史三水縣侯韓褒字弘業其先潁

中川潁陽人後家昌黎天和七年謚貞

左僕射兼侍中監著作領太子詹事贈大將軍大都督岐

宜寧豳四州諸軍事岐州刺史趙善字僧慶天水南安



人大統九年從戰芒山爲敵所獲卒於東魏高祖建德
初以子詢表請謚敬

中州刺史贈大將軍武都郡公賀若敦河南洛陽人爲晉
公護所殺建德初追謚烈

大將軍贈四州諸軍事鄜州刺史彭城縣公令狐整字延
保敦煌人建德二年謚襄

大將軍贈金州總管安康郡公李遷哲字孝彥安康人建
德三年謚莊武

使持節能和忠三州崇德等十三防諸軍事大將軍贈鄜
延等五州刺史安平縣公崔說博陵安平人建德四年

謚莊崔說本名士約賜姓宇文各說

隨州刺史贈交渭二州刺史長樂縣子皇甫璠字景瑜安
定三水人建德時謚恭

荊州刺史總管十七州諸軍事贈河渭鄜三州刺史千金
郡公權景宜字暉遠天水顯親人高祖武帝時謚恭

陝州總管府長史襄城縣伯梁昕字元明安定烏氏人武
帝時謚貞計部下大夫開府儀同三司贈涇寧幽三

州刺史朝那縣伯梁榮昕弟謚靜

汾州刺史贈使持節大將軍譙廣復三州刺史臨貞公楊
敷字文衍弘農華陰人在州爲齊將段孝先所擒以憂
卒武帝時以子素陳請謚忠壯

少司空贈鄭梁北豫三州刺史鄭道邕字孝穆一名孝穆

字道和榮陽開封人武帝時謚貞隋改謚文

少傅蔡陽郡公蕭撫字智遐蘭陵人梁武弟之子武帝時

謚襄

基州刺史贈大將軍文城郡公薛端字仁直河東汾陰人

謚質 武威少府贈三司刺史博平縣公薛善字仲良

端族曾孫武帝以善告齊執事謚謬

小宗伯贈柱國大將軍長孫紹遠字士師代人武帝時謚

獻 玉壁總管贈柱國義門郡公長孫澄字士亮紹遠

弟謚簡

大司空涇州總管贈太尉上庸郡公陸騰字顯聖代人宣

政元年謚定

贈柱國太保都督徐充等十州諸軍事徐州刺史隋國公

楊烈弘農華陰人卽隋高祖之曾祖靜帝時謚康 贈

柱國太傅都督陝蒲等十三州諸軍事同州刺史隋國

公楊禎卽隋高祖之祖靜帝時謚獻

徐充等十一州五鎮諸軍事徐州總管行軍元帥贈太傅

十二州諸軍事雍州牧韋孝寬字叔裕京兆杜陵人魏

右將軍旭之子靜帝時謚襄 驃騎大將軍開府儀同

三司納言京兆尹贈柱國五州刺史追封河南郡公韋

總字善會孝寬子武帝時東征戰歿謚貞

上柱國涇州總管贈七州諸軍事河州刺史追封鄂國公

王傑金城人靜帝大象元年謚威

江陵總管魯陽郡公陽雄字元略上洛邑陽人大象元年
謚懷

驃騎大將軍開府儀同三司隋贈禮部尚書武陽公高賓
渤海裔人隋開皇時以子穎佐命功謚簡

御伯中大夫贈虞絳二州刺史昌國縣伯趙珽天水西人
謚貞

太僕衛尉卿汾北華瀛三州刺史驃騎大將軍開府儀同
三司永富縣公竇善扶風平陵人謚忠

司宗中大夫兼內史贈少宗伯唐瑾字附璘姑臧人謚方
驃騎大將軍開府儀同三司浙州刺史贈虞州刺史郃陽
伯薛寘河東汾陰人謚理

渠州刺史贈忠浙涿三州刺史浮陽郡公趙剛字僧慶河
南洛陽人謚成

驃騎大將軍開府儀同三司贈大將軍平州刺史肥城公
侯植字仁幹其先上谷人謚節

軍司馬平陽縣伯李彥字彥士梁郡下邑人謚敬
隋帝后太子謚

太祖武元皇帝弘農華陰人姓楊名忠仕周為涇州總管
封陳留郡開國公薨謚桓公開皇元年追謚為武元皇

帝 呂皇后字苦桃開皇元年追謚元明
高祖文皇帝名堅武元子仕周位相國封隋王大定元年

受周禪仁壽四年為子廣所弑謚文 獨孤皇后名伽

羅河南洛陽人周大司馬衛公信之女仁壽二年崩謚
獻

煬皇帝名廣文皇第二子仁壽四年弑父自立大業十三
年被弑江都謚煬 蕭皇后後梁明帝歸之女煬帝敗
沒於竇建德後義成公主在突厥遣使相迎又入虜廷
貞觀四年歸二十一年崩葬煬帝陵謚愍

恭帝名侑元德太子之子大業十三年即位改元義寧二
年遜於唐封為鄯國公武德二年崩謚恭

煬帝太子昭大業二年謚元德子侗立追尊為孝成皇帝
隋宗室謚

義成公處綱文帝族父卒於秦州總管謚恭

秦王整文帝次弟受禪後追謚景

滕王瓚字恒生文帝弟開皇十一年以鳩薨謚穆

道王嵩文帝弟受禪後追謚宣 嵩嗣子靜本滕穆王子

謚悼

衛王奭字師仁文帝弟文帝時謚昭

秦王俊文帝子謚孝

隋諸臣謚

上柱國大左輔贈燕國公于寔字賓實河南洛陽人其先
代人後周常山公謹之子文帝開皇元年謚安 太尉
贈六州諸軍事蒲州刺史于翼字文若寔弟開皇三年
謚穆 熊州刺史黎陽郡公于璽字伯符翼子謚靜

上柱國漳州總管贈豫州刺史于義字慈恭冀弟謚剛

上柱國大將軍贈司徒李和朔方人開皇二年謚肅

周上柱國太安郡公隋贈司空七州諸軍事荊州刺史閻

慶字仁度河陰人開皇二年謚成

上柱國隴西郡公李詢字孝詢隴西成紀人開皇初謚襄

太師中國公李穆字顯慶詢從父開皇六年謚明

幽州總管廣宗縣公李崇字永隆詢弟開皇初與突厥

戰歿于陣謚壯

大將軍曹州刺史柳裘字茂和河東解人開皇初謚安

廣州總管贈上柱國襄陽郡公韋洸字世穆京兆杜陵人

開皇初與番禺夷戰陣歿謚敬 荊州總管贈大將軍

上庸郡公韋世康洸弟開皇時謚文 營州總管魏興

郡公韋藝字世文洸弟文帝時謚懷

汴州刺史并陘侯韋師字公穎京兆杜陵人文帝時謚定

冀州刺史贈大將軍青州刺史建安郡公柳機字匡時河

東解人文帝時謚簡

贈上柱國太尉八州諸軍事青州刺史齊郡公呂雙周文

帝外祖其族微不知何許人開皇初追謚敬

贈使持節太尉上柱國六州諸軍事定州刺史越國公獨

孤庫雲中人開皇初追謚恭 使持節柱國贈太師上

柱國十州諸軍事冀州刺史趙國公獨孤信庫之子開

皇初追謚景

上柱國左武衛大將軍蜀國公獨孤羅字羅仁雲中人獨孤后異母兄大業初謚恭

大將軍汲郡公崔猷字宣猷博陵安平人開皇四年謚明太傅贈八州諸軍事冀州刺史樂陵縣公竇熾字光成扶

風平陵人開皇四年謚恭 定州總管贈襄陽等六州刺史竇毅字天武熾兄子開皇二年謚肅

故魏大學博士鎮遠將軍隋贈定州刺史安平公李敬族博陵安平人開皇五年以子德林貴追謚孝 懷州刺

史贈大將軍廉州刺史安平郡公李德林字公輔開皇時謚文

右武衛大將軍贈冀州刺史陳國公竇榮定扶風平陵人開皇六年謚懿

衛州刺史元亨一名孝才字德良故魏宗室開皇八年謚宣

上柱國夏州總管楚國公豆盧勣字定東昌黎徒河人開皇十年謚襄 漢王府王簿儀同三司贈大將軍正義

縣公豆盧毓字道生勣次子為漢王諒所害大業初謚愍 洪州總管南陳郡公豆盧通字平東勣弟文帝時謚安

上柱國岐州刺史沛國公鄭譯字正義滎陽開封人開皇十一年謚達

洛州刺史辛彥之隴西狄道人開皇十一年謚宣

相州刺史贈亳州刺史樊叔略陳留人開皇十四年暴卒
謚襄

左光祿大夫東郡留守贈開府儀同三司濟公樊子蓋字
華宗廬江人開皇中謚景

上柱國益州總管蔣國公梁睿字持德安定烏氏人周東
雍州刺史禦之子開皇十六年謚襄

晉王府長史贈大將軍安成郡公袁憲字德章陳郡陽夏
人陳僕射樞之弟開皇十八年謚簡

信州總管義陽郡公皇甫績字功明安定朝那人開皇時
謚安

柱國延州總管贈上柱國平昌郡公王慶字興慶太原祁
人開皇時謚壯

行軍總管長廣郡公杜整字皇育京兆杜陵人開皇時謚
襄

鎮南大將軍廣州都督贈上開府儀同三司歸仁縣公王
猛本名勇字世雄瑯琊臨沂人文帝仁壽元年謚成

潭州總管文安縣子張奩字文懿清河東武城人仁壽中
謚莊

周司城中大夫典國史虞鄉公隋贈滄州刺史張羨河間
鄭人文帝時謚定

國子祭酒何妥字栖鳳西城人後家蜀之郫縣文帝時謚
肅

吏部尚書襄陽公長孫平字處均其先代人文帝時謚康
行軍總管贈上柱國冀州刺史王述字長述京兆霸城人
文帝時謚莊

毛恒二州刺史滑國公韋壽字世齡京兆杜陵人周徐州
總管孝寬之子文帝時謚定

左武衛大將軍贈司空觀國公田仁恭字長貴高平人文
帝時謚敬

太子太傅岐國公斛斯微字士亮廣牧富昌人魏太傅文
宣公之子謚闇

初隋文爲大司馬有外姻喪徵就吊久而不出徵怒遂
去隋文以此懷恨至是詔所司謚曰闇

相州刺史贈冀定瀛青四州刺史梁彥光字修之安定
氏人文帝時謚襄

魏州刺史元暉字叔平故魏宗室文帝時謚元
涇州刺史洵陽郡王元矩字孝矩故魏宗室謚簡

行軍總管贈梁州總管元景山字寶岳故魏宗室文帝時
謚襄

原州總管比陽公龐晃字顯榆林人文帝時謚敬
柱國寧州刺史趙郡公李安字玄德隴西狄道人文帝時

謚懷
蒲州刺史高都公楊尚希弘農人文帝時謚平

雲州總管贈懷魏等四州刺史鉅鹿郡公賀婁子幹字萬

壽代人文帝時謚懷

上柱國壽襄二州總管濟北郡公周暹字世安河南洛陽
人文帝時謚恭

戶部尚書右光祿大夫正平郡公楊文恩字溫仁弘農華
陰人煬帝大業初謚定 荊州總管上明郡公楊紀字
溫範文恩弟謚恭

檢校左翊衛大將軍贈司徒襄國等十郡太守觀王楊雄
弘農華陰人大業初謚德 雄卒有司請謚曰懿煬帝
曰王道高雅俗德冠生靈乃謚曰德 右武衛將軍左
光祿大夫贈吏部尚書始安侯楊達字士達雄弟煬帝
時謚恭

石州刺史公孫景茂字元蔚河間阜城人大業初謚康

石州刺史趙仲卿河南洛陽人周浮陽剛公子大業初謚
肅

并州總管司馬贈柱國弘義公皇甫誕字玄慮安定三水
人大業初漢王諒謀反抗節遇害謚明

右武衛大將軍贈柱國右翊衛大將軍義寧郡公周羅暉
字公布九江潯陽人大業初謚壯

司徒楚公楊素字處道弘農華陰人大業二年謚景武
東都居守攝左候衛將軍饒陽縣子長孫熾字仲光其先
代人大業六年謚靜

上大將軍右光祿大夫奇章公牛弘字里仁安定鶉觚人

大業六年謚憲

光祿大夫贈左衛大將軍真定侯郭衍字彥文太原介休人
大業七年謚襄

左候衛大將軍贈光祿大夫尚書右僕射北平公段文振
北海期原人大業七年謚襄

右光祿大夫兼左翊衛將軍贈尚書右僕射光祿大夫儀
隴縣侯元壽字長壽河南洛陽人大業七年謚景

金紫光祿大夫安平郡公宇文愷字安樂其先昌黎大棘
人徙居夏州大業中謚康

右領軍大將軍贈大將軍安陽縣公崔彭字子彭博陵安
平人大業時謚肅

南海太守昇平郡公侯莫陳穎字遵道代郡武川人周大
司徒崇之子大業時謚定

長平太守汝陽郡公獨孤楷字修則不知何許人本姓李
氏大業時謚恭

右屯衛大將軍贈光祿大夫武安侯張定和字處謚京兆
萬年人大業時謚壯武

右光祿大夫贈武衛大將軍譙郡公周法尚字道邁汝南
安城人大業末謚僖

右候衛大將軍贈兵部尚書蒲城郡公郭榮字長榮太原
人大業末謚恭

秘書監贈大將軍漢南縣公柳晉言河東人大業時

續文獻通考 卷之三百五十二
二十五
從幸揚州卒謚康

左屯衛大將軍贈光祿大夫宿國公麥鉄杖始興人大業時遼東之役戰而死謚武烈

虎賁郎將贈左光祿大夫右屯衛將軍武疆侯錢士雄與麥武烈同死謚剛

右衛大將軍開府儀同三司贈司徒尚書令十郡太守許國公宇文述字伯通代郡武川人大業時謚恭

朝請大夫尚書兵部郎贈柱國戶部尚書黎陽郡公馮慈明字無佚信都人大業十三年爲賊黨翟讓所害越王侗謚莊武

右屯衛將軍獨孤盛本姓李仕周賜今姓不知何許人字文化及之亂爲亂兵所害越王承制贈光祿大夫紀國公謚武節

通議大夫給事郎贈光祿大夫高陽縣公許善心字務本高陽北新城人謚文節

善心在陳朝對策高第陳亡號泣盡哀後仕隋爲宇文化及所殺越王承制贈官加謚

上柱國荊州總管三十六州諸軍事成安郡公達奚長孺字富仁代人謚威

左光祿大夫贈驃騎大將軍光祿勳齊州刺史清泉侯李彬謚獻

千乘縣尹蕭琅謚信公

續文獻通考

卷之三百五十二

二十五

年謚為景王武德元年謚為景皇帝廟號太祖 妣梁氏謚景烈皇后

世祖名昺景皇子仕隋襲封唐公薨謚仁公武德元年追謚元皇帝廟號世祖 妣獨孤氏謚元貞皇后

高祖名淵字叔德元皇子以隋義寧二年受禪武德元年崩謚太武上元元年改謚神堯天寶十三載增謚大聖大光孝皇帝廟號太祖 竇皇后京兆平陵人父毅仕周為上柱國尚武帝姊襄陽公主生后后早崩義寧元年謚穆妃武德元年謚穆皇后上元中增謚太穆神皇后天寶八載增謚太穆順聖皇后

太宗名世民高祖第二子武德九年誅建成立為皇太子

未幾內禪貞觀二十三年崩謚文上元元年改謚文武聖皇帝天寶八載增謚文武大聖大廣孝皇帝廟號太宗 長孫皇后河南洛陽人父晟仕隋為右驍騎將軍后極賢貞觀十年崩謚文德上元中益謚文德聖皇后天寶八載增謚文德順聖皇后

高宗名治字為善太宗第九子貞觀二十三年即位弘道元年崩謚天皇大帝天寶八載改謚天皇大聖十三載增謚天皇大聖大弘孝皇帝廟號高宗 武皇后并州汾水人父士護母楊氏后崩於神龍元年謚則天大聖天寶八載改謚則天順聖皇后

中宗名顯高宗第七子弘道元年即位嗣聖元年廢為太

子神龍元年復位景隆四年爲常后所毒崩謚孝和天寶十三年加謚大和大聖大昭孝皇帝廟號中宗 趙皇后京兆長安人父瓌尚高祖女長樂公主生后后爲武后幽死神龍元年追謚恭天寶八載增謚和思順聖皇后 昭容上官氏名婉兒父庭芝母鄭氏昭容有文才黨于常后常后之敗斬闕下景雲中追謚文惠

睿宗名旦高宗第八子以相王迎卽位先天元年傳位太子開元四年崩謚大聖真皇帝天寶十三載增謚玄真大聖大興孝皇帝廟號睿宗 劉皇后爲武氏所殺景雲元年追謚肅明 寶皇后父孝湛帝爲相王納爲孺人生玄宗薨景雲元年追謚昭成天寶八載與劉皇后

俱加謚順聖

初太常加謚寶后曰大昭成或言法宜引聖真冠謚而曰大昭成非也以單言配之應曰聖昭若睿成以復言配之應曰大聖昭成聖真昭成又引泰穆皇后始謚穆及高祖崩合帝謚曰泰穆追增泰穆神皇后文德皇后始謚文德及太宗崩合謚文德順聖皇后又援范曄著漢光烈等爲比太常謂曄以帝號標后謚是史家記事體婦非必與夫同也入廟稱后繫夫在朝稱太繫子文母生號也文王旣沒謚也周公豈以婦從夫乎漢法不可爲據制曰可天寶八載詔自泰穆而下天皇后並增上順聖二字云

玄宗名隆基睿宗第三子先天元年卽位天寶十五載傳
位太子後七年崩謚至道大聖大明孝皇帝廟號玄宗
武皇后父攸止封恒安王后初爲惠妃有寵幾欲爲
后以諫而止開元時薨贈皇后謚貞順 楊皇后華州
華陰人父知慶位太尉后初爲貴嬪生肅宗薨至德二
載謚元獻皇后 麗妃趙以倡幸開元十四年卒謚和
肅宗名亨玄宗第三子天寶十五載卽位靈武寶應元年
崩謚文明武德大宣孝皇帝廟號肅宗 吳皇后濮州
濮陽人父令珪后幼入掖庭以選入太子宫生代宗年
十八薨代宗卽位追尊爲皇后謚章敬

代宗名豫 肅宗長子寶應元年卽位大曆十四年崩謚睿

文孝武皇帝廟號代宗 獨孤后不知何所人父讓左
威衛錄事參軍后初爲貴嬪大曆十年薨追號爲皇后
謚貞懿 沈皇后吳興人開元末以良家子入東宮遂
以賜廣平王生德宗遭祿山之亂失后所在元和初追
尊爲太皇太后謚睿真

德宗名适代宗長子大曆十四年卽位貞元二十一年崩
謚神武聖文皇帝廟號德宗 王皇后本仕族女帝爲
魯王時納爲貴嬪生順宗貞元三年將冊爲后崩乃謚
昭德皇后

順宗名誦德宗長子貞元二十一年卽位元和元年崩謚
至德大聖大安孝皇帝大中三年加謚至德弘道大聖

大安孝皇帝廟號順宗 王皇后瑯琊人帝在東宮冊為良姊將立為后會帝病棘而止后性仁順宮中化其德生憲宗元和十一年崩謚莊憲皇后

憲宗名純順宗長子永貞元年受內禪元和十五年崩謚聖神章武孝皇帝大中三年加謚昭文章武大聖至仁孝皇帝廟號順宗 郭皇后汾陽忠武王之孫女父曖母昇平公主元和元年冊為貴妃生穆宗穆宗立尊為皇太后宣宗之母孝明皇后故后侍兒有蔡怨后因暴崩謚懿安 鄭皇后丹陽人初為李錡侍人李錡反沒入掖庭侍懿安帝幸之生宣宗宣宗立尊為皇太后咸通六年崩謚孝明

穆宗名恒憲宗第三子元和十五年即位長慶四年崩謚睿聖文惠孝皇帝廟號穆宗 王皇后越州人本仕家子幼侍帝東宮生敬宗敬宗立尊為皇太后會昌五年崩謚恭僖 蕭皇后閩人帝為建安王后得侍生文帝文帝立尊為皇太后大中元年崩謚貞獻 帝皇后失其先世帝為太子后得侍生武宗長慶時冊為妃薨武宗立追尊為皇太后謚宣穆

敬宗名湛穆宗長子長慶四年即位寶曆二年崩謚睿武昭愍孝皇帝廟號敬宗 郭貴妃無謚 文宗名昂穆宗第二子寶曆二年即位開成五年崩謚元聖昭獻孝皇帝廟號文宗 楊王二妃無謚

武宗名炎穆宗第五子開成五年即位會昌六年崩謚至道昭肅孝皇帝廟號武宗 王賢妃無謚

宣宗名忱憲宗第十三子會昌六年即位大中十三年崩謚元聖至明成武獻文睿智章仁神聰懿道大孝皇帝

廟號宣宗 龜皇后不詳其世初為美人生懿宗大中中薨追冊為皇太后謚元昭

懿宗名漼宣宗長子大中十三年即位咸通十四年崩謚昭聖恭惠孝皇帝廟號懿宗 王皇后未詳其世咸通

中為貴妃生僖宗七年薨十四年追尊為皇太后謚惠安

僖宗名儇懿宗第五子咸通十四年即位文德元年崩謚

惠聖恭定孝皇帝廟號僖宗 王皇后其出至微咸通中得幸生昭宗薨昭宗立追號為皇太后謚恭憲

昭宗名曄懿宗第七子文德元年即位天祐元年為朱全忠所弑謚聖穆景文孝皇帝廟號昭宗 何皇后為朱

全忠所害無謚

初昭宗時蘇循子楷因覆試不舉有憾于帝及帝被弑政出于梁楷與張廷範等相結因謂廷範曰夫謚者所以易名而責實也前有司謚先帝曰昭名實不稱八為太常予史官也不可以不言乃上疏駁議廷範議曰臣聞執事堅固之謂恭亂而不損之謂靈武而不遂之謂莊在國逢難之謂閔因事有功之謂襄 請改謚昭宗

皇帝曰恭靈莊簡皇帝廟號襄宗及唐明宗時大臣欲理其駁謚之罪以憂死

哀宗名祝昭宗第九子天祐元年即位四年爲朱全忠所篡降封濟陰王梁開平二年遇弑謚哀後唐明宗追謚昭宣光烈孝皇帝廟號景宗

太子建成高祖子貞觀時謚隱

太子承乾太宗子開元中謚愍

太子弘高宗子中宗時謚孝敬皇帝 妃裴氏謚哀皇后

太子重俊中宗子睿宗時謚節愍

時中書舍人蕭瑄曰王者發號施令必法天道善善著惡惡明也賞罰所不加則考行立謚以褒貶之臣議其

君子議其父曰靈曰厲者不敢以私廢公也臣伏觀故

太子與多祚等擁北軍犯宸居破扉斬關兵指黃屋騎

騰紫微先帝御玄武門親諭順逆太子據鞍自若督衆

不止逆黨悔非回兵執賊多祚伏誅太子乃遁去明日

帝見群臣淚數行下曰幾不與公等相見其爲危甚矣

昔漢成帝爲太子行不敢絕馳道推此則太子稱兵宮

中爲悖已甚以斬三思父子而嘉之乎則弄兵討逆以

安君父可也因欲自立則是爲逆又豈可褒此時韋氏

逆未著義未絕于太子母也子無廢母之理以中宗命

廢之則又劫父廢母且君或不君臣安可不臣父或不

父子安可不子晉太子申生謚曰恭衛太子據謚曰戾

今太子乃謚節愍臣所未諭帝懼然稱允而大臣重改竟不從

太子寧憲宗子貞元中謚惠昭

太子永文宗子文宗時謚莊恪

唐宗室謚

劍南節度按察使贈戶部尚書濬懿祖之裔開元中謚成

濬子太子少傅贈太子太傅褒國公麟乾元初謚德

蔡王蔚烈祖子周朔方總管武德中封王謚烈 蔚子西

平王安武德中謚懷 蔚子河間王孝恭貞觀中謚元

鄭王亮烈祖子隋海州刺史武德中封王謚孝 亮子襄

邑王神符永徽中謚恭 亮曾孫鄭滑節度使檢校尚

書右僕射贈司空復貞元中謚昭 神符孫太子賓客

贈太子太保模肅代間謚敬 神符五世孫彭原郡公

程武宗時謚繆

永安王孝基烈祖孫武德初謚壯

淮南王道玄烈祖孫武德初謚壯

長平王叔良烈祖孫武德中謚肅

隴西王博義世祖孫高宗時謚恭

渤海王奉慈博義弟高宗時謚敬

衛王玄霸高祖子武德中追謚懷

巢王元吉高祖子貞觀初追謚刺

楚王智雲高祖子武德元年追謚哀

鄧王元亨高祖子貞觀中謚悼

徐王元禮高祖子高宗時謚康

彭王元則高祖子貞觀中謚思

鄭王元懿高祖子高宗時謚惠 懿五世孫汧國公勉德

宗時謚貞簡

虢王鳳高祖子謚莊

道王元慶高祖子高宗時謚孝

鄧王元裕高祖子謚康

江王元祥高祖子謚安

密王元曉高祖子貞觀中謚貞

濮王泰太宗子高宗時謚恭

蜀王愔太宗子咸亨初謚悼

瑯琊王冲太宗孫謚敬

父貞討武氏不克與冲俱死削爵開元四年復爵土有

司議死不忘君宜謚敬從之

江王囂太宗子謚殤

曹王臯明曾孫太宗玄孫憲宗時謚成

旅王孝高宗子神龍初追謚悼

贈皇太子賢高宗子睿宗初追謚章懷

贈皇太子重潤中宗子神德初追謚懿德

襄王重茂中宗子開元中謚殤帝

寧王憲睿宗長子開元中謚讓皇帝 妃元氏謚恭皇后

憲子蓬州長史贈太子太師瑀肅宗時謚宣

恒王贈太子撫睿宗子開元八年謚惠莊

鄭王贈太子範睿宗子開元十四年謚惠文

薛王贈太子業睿宗子開元二十二年謚惠宣

許昌郡王贈太子琮玄宗子天寶中謚靖德肅宗立進謚

奉天皇帝 妃竇氏謚恭應皇后

榮王贈太子琬玄宗子天寶末謚靖恭

夏王一玄宗子以母寵故名未免懷薨謚悼

懷王愍玄宗子甫晬薨謚思

盛王琦玄宗子廣德二年薨謚宣

汴王璿玄宗子開元二十四年薨謚哀

建寧王倓肅宗子天曆中謚承天皇帝以興信公主女燕

冥配謚恭順皇后

興王贈皇太子侶肅宗子上元元年謚恭懿

鄭王贈皇太子邈代宗子上元中謚昭靖

贈太子源順宗子貞元中謚文敬源見愛於德宗嘗命為子本傳列在德宗之系

今正之

漳王贈太子湊穆宗子開成中謚懷懿

晉王贈太子普敬宗子太和中謚悼懷

雍王贈太子渌宣宗子太中時謚靖懷

睦王贈太子倚懿宗子天復初追謚恭哀

唐公主謚

續文獻通考

卷之二十四

平陽公主高祖女適柴紹謚昭

安興公主睿宗女早卒謚昭懷

齊國公主代宗女適郭曖謚昭懿

趙國公主代宗女初適封武清再適田緒謚莊懿

韓國公主德宗女許嫁肅宥未婚而薨謚貞穆

魏國公主德宗女適王士平謚憲穆

鄭國公主德宗女適張茂宗謚莊穆

燕國公主德宗女適回紇武義成功可汗謚襄穆

梁國公主順宗女適鄭何謚恭靖

梁國公主憲宗女適于季友謚惠康

鄭國公主憲宗女適肅讓謚溫儀

岐陽公主憲宗女適杜棕謚莊淑

齊國公主宣宗女適嚴初謚恭懷

許昌公主宣宗女適柳陟謚莊肅

衛國公主懿宗女適肅保衡謚文懿

壽安公主憲宗子絳王悟女適王元逵謚章惠

郃國公主女為德宗太子妃謚惠

唐諸臣謚

驃騎將軍贈瀛州刺史平原公劉感鳳翔人高祖時謚忠

莊

嘉州刺史安樂郡公贈洪州都督李思行趙州人助唐興

師謚襄

右武衛大將軍贈左衛大將軍幽州總管永安縣公姜寶
誼上邽人高祖時謚剛 夏州都督成紀縣侯姜協寶
誼子謚威

絳州總管郊公羅士信歷城人高祖時謚勇

綿州刺史贈工部尚書張道源邠人高祖時謚節

兵部侍郎華州刺史贈秦州刺史開化公趙慈景初與隋
將堯君素戰被執謚忠

吏部尚書贈陝東道大行臺右僕射司空鄆國公殷開山
鄆人高祖時謚節

冠軍大將軍贈代州都督許洛仁并州人太宗時謚勇
銀青光祿大夫荊州大都督長史薛大鼎汾陰人永徽中

謚恭

蒲州刺史高邑縣侯李素立高邑人高宗時謚平 太府

卿趙郡公李從遠素立孫中宗神龍中謚懿

始州刺史襄武郡公劉師立虞城人太宗時謚肅

眉州刺史贈武衛大將軍潭州大都督巢國公錢九隴長
興人太宗時謚勇

右武衛大將軍贈荊州都督東萊公公孫武達櫟陽人太
宗時謚莊

懷州刺史追封遂安公李安遠夏州人太宗時謚安

左光祿大夫贈尚書左僕射司空蔣國公屈突通長安人
貞觀中謚忠

鄜夏二州都督開府儀同三司贈司徒并州都督鄂國公尉遲敬德善陽人高宗時謚忠武

代州都督贈左驍騎大將軍荊州都督郊國公張公謹繁水人貞觀中謚襄

右中護太子詹事贈秦州都督常琨萬年人高宗時謚貞鎮軍大將軍華州刺史贈荊州都督譙國公柴紹臨汾人太宗時謚襄

左驍騎大將軍新興縣公馬三寶柴紹家僮貞觀初謚忠秘書監弘文館學士顏師古臨沂人太宗時謚戴

太子賓客襄陽男羅珣會稽人謚夷左武衛大將軍胡國公秦叔寶謚失

光祿大夫特進贈開府儀同三司并州都督莒國公唐儉晉陽人顯慶中謚襄

鎮軍大將軍贈輔國大將軍揚州都督襄國公段志玄臨淄人貞觀中謚壯肅

前軍大總管贈開府儀同三司并州都督夔國公劉弘基池陽人貞觀中謚襄

洪州都督贈民部尚書邢國公劉政會胙城人貞觀中謚襄

戶部尚書贈幽州都督許圜師安陸人高宗時謚簡隴山軍討擊副使贈蘄州刺史許欽寂圜師姪孫武后時謚忠

特進贈荊州總管譚國公丘和洛陽人貞觀中謚襄大將軍冀陝二州刺史贈荊州刺史天水郡公丘行恭和子高宗時謚襄

禮部侍郎贈尚書左僕射黎國公溫大雅并州祁人太宗時謚孝尚書右僕射贈特進虞國公溫彥博大雅弟高宗時謚恭中書侍郎贈鴻臚卿清河郡公溫大有彥博弟武德中謚敬

太子少詹事贈尚書右僕射孫述博州武水人上元中謚文

益州大都督府長史贈禮部尚書皇甫無逸萬年人太宗時謚良

初謚孝王珪駁曰無逸入蜀不能與母俱留卒京師子道未足稱不可謂孝乃更謚良

隴州刺史贈岷州都督姜暮上邽人太宗時謚安行軍副總管贈左衛大將軍邲國公姜確暮子太宗時謚襄秦州刺史贈刑部尚書清河縣公崔善爲武城人太宗時謚忠

潞州刺史贈齊州刺史常山縣子李嗣真邢州栢人人武后時謚昭

歙州總管贈左驍衛大將軍越州都督宜春郡公王雄誕濟陰人太宗時謚忠

檢校特進西海道行軍大總管開府儀同三司贈司徒并

州都督衛國公李靖三原人太宗時謚景武

太子太師贈太尉揚州大都督舒國公李勣曹州離狐人

高宗時謚貞武

開府儀同三司同中書門下三品贈司徒并州都督許國

公高儉字士廉齊清河王後太宗時謚文獻

內史令贈同州刺史延安郡公竇威平陸人高祖時謚靜

檢校晉州總管贈左衛大將軍譙國公竇琮威弟高

祖時謚敬 左武侯大將軍贈司徒竇抗威從兄子高

祖時謚密通典作謚博 民部尚書信都男竇靜抗子

太宗時謚肅 光祿大夫贈工部尚書荊州刺史莘國

公竇誕太宗時謚安 將作大匠贈禮部尚書鄧國公

竇璉抗弟太宗時謚安 檢校左相贈光祿大夫幽州

都督鉅鹿男竇德玄威從孫太宗時謚恭

司空贈太尉并州都督梁國公房玄齡臨淄人太宗時謚

文昭

尚書右僕射贈開府儀同三司司空蔡國公杜如晦杜陵

人太宗時謚成 檢校吏部尚書贈尚書右僕射安吉

郡公杜淹如晦叔太宗時謚襄 尚書右僕射領河中

忠武節度使贈太子太師襄陽郡公杜審權如晦六世

孫懿宗時謚德

國子祭酒贈太常卿曲阜縣子孔穎達衡水人太宗時謚

憲

秘書少監銀青光祿大夫贈太常卿蕭德言系出蘭陵高宗時謚博

大理卿常山郡公郎顛新樂人武德時謚平

特進知門下省事贈司空相州都督鄭國公魏徵曲城人

太宗時謚文貞

禮部尚書贈吏部永寧郡公王珪郿人太宗時謚懿

少師贈開府儀同三司新昌縣公李綱齊人太宗時謚貞

右衛大將軍兼太子右衛率工部尚書武陽公李大亮涇

陽人太宗時謚懿

檢校吏部尚書贈尚書右僕射道國公戴胄安陽人太宗

時謚忠 尚書右僕射贈開府儀同三司并州大都督

戴至德胄兄子儀鳳中謚恭

散騎常侍金紫光祿大夫贈禮部尚書張後胤崑山人永

徽中謚康 後胤乃太宗少時之師 東都留守張齊丘

後胤孫謚貞獻

禮部尚書贈戶部尚書漢東郡公陳叔達陳宣帝子太宗

時謚忠

叔達閩薄汗漫為有司所劾謚曰繆久之改謚為忠

洛州都督特進贈潭州都督觀國公楊恭仁隋觀王雄子

太宗時謚孝 太常卿贈吏部尚書并州都督安德郡

公揚師道恭仁弟太宗時謚懿

尚書右僕射密國公封倫字德彝齊人太宗時謚繆

德彞初謚曰明然素有為建成意卒後事寢聞民部尚書唐倫等議倫寵極生前而罪暴身後所歷官不可盡奪請還贈改謚以懲僉壬有詔奪司空削實封改謚曰

民部尚書安邑公裴矩聞喜人太宗時謚敬

右衛大將軍贈左衛大將軍涼州都督郢國公宇文士及

長安人太宗時謚縱

士及始謚曰恭黃門侍郎劉洎曰士及居家侈肆不可謂恭乃改曰縱

宜州刺史贈幽州刺史鄭元璫榮澤人太宗時謚簡

吳王長史贈齊州都督武都郡公權萬紀萬年人太宗時

謚敏 太僕卿廬國公權弘壽萬紀族兄弟高祖時謚

恭

工部尚書贈吏部尚書并州都督大安縣公闡讓字立德

萬年人永徽中謚康 中書令博陵縣男闡立本讓弟

咸亨中謚文貞

商州刺史贈司空荊州都督宋國公蕭瑀後梁明帝子太

宗時謚貞褊

初太常謚曰肅太宗以其性忌改謚貞褊

中書令贈侍中廣州都督江陵縣子岑文本棘陽人太宗

時謚憲

銀青光祿大夫弘文館學士贈禮部尚書永興公虞世南

餘姚人太宗時謚文憲

銀青光祿大夫洪廣二州都督謝叔方萬年人太宗時謚勤

宗正卿安平縣子李百藥安平人太宗時謚康 荊州大

都督府長史李安期百藥子高宗時謚烈

散騎常侍贈太常卿陽翟縣侯褚亮錢塘人太宗時謚康

散騎常侍贈太常卿豐城縣男姚思廉萬年人太宗時謚

康 地官尚書贈越州都督姚壽思庶孫武后謚成

魏州刺史張知泰方城人中宗時謚定

金紫光祿大夫彭城縣公令狐德棻華原人高宗時謚憲

光祿大夫太子太師幽州都督燕國公于志寧高陵人

高宗時謚定 工部尚書贈尚書左僕射東海郡公于

休烈志寧曾孫代宗時謚元

光祿大夫侍中兼太子少保贈開府儀同三司荊州都督

蔣縣公高馮字季輔蔭人高宗時謚憲

尚書左僕射太子少傅贈開府儀同三司并州都督北平

縣公張行成義豐人高宗時謚定

杞州刺史平原郡公長孫敞無忌從叔太宗時謚良 澤

州刺史贈荊州都督薛國公長孫順德無忌從叔太宗

時謚襄 陝州刺史贈吏部尚書樂壽縣男長孫操無

忌從弟高宗時謚安

禮部尚書贈開府儀同三司揚州大都督高陽縣男許敬

宗杭州新城人高宗時謚恭

太常博士袁思古議敬宗棄子于荒徼嫁女于蠻落宜

謚謬其孫彥伯訴思古有嫌詔更議博士王福時曰何

曾忠而孝以日食萬錢謚謬醜况敬宗忠孝兩棄飲食

男女之累過之執不改有詔尚書省雜議更謚曰恭

中書令贈幽州大都督崔知温鄆陵人永隆中謚忠

右散騎常侍贈越州都督高智周晉陵人高宗時謚定

國子祭酒兼弘文館學士趙弘智河南新安人高宗時謚

宣

太子少師同中書門下三品贈開府儀同三司并州大都

督固安縣公崔敦禮由博陵徙咸陽高宗時謚昭

趙州刺史平昌子高獻京兆萬年人武后時謚節

贈太師雍州牧益州大都督鄧王常玄貞中宗時謚文獻

太府卿贈蘭州都督清河郡公楊弘禮隋楊素弟之子永

徽中謚質 西臺侍郎同東西臺三品贈汴州刺史楊

弘武弘禮弟高宗時謚恭 戶部尚書贈幽州都督楊

纂弘禮族父太宗時謚恭

金紫光祿大夫贈幽州都督盧承慶承人高宗時謚定

金紫光祿大夫贈幽州都督廣平郡公劉祥道觀城人乾

封中謚宣

同州刺史贈禮部尚書幽州都督彭城縣公劉德威彭城

人永徽中謚襄 工部尚書檢校左衛大將軍彭城縣

公劉審禮德威子儀鳳中謚僖

揚州長史贈兗州刺史趙國公李敬玄譙人高宗時謚文

憲

文昌左相同鳳閣鸞臺三品贈開府儀同三司并州大都

督樂城縣男劉仁軌尉氏人開元中追謚文獻

光祿大夫贈原州都督裴仁基聞喜人高祖時謚忠 金

牙道大總管贈幽州都督聞喜縣公裴行儉仁基于高

宗時謚獻 侍中兼吏部尚書弘文館學士贈太師正

平縣男裴光庭行儉子玄宗時謚忠憲

初博七孫婉以光庭在吏部用循資格非獎勸之義謚

曰克平光庭與蕭嵩不合時以婉為希嵩意玄宗聞之

持賜謚忠憲

度支郎中裴倩光庭子謚節

右衛將軍田仁會長安人永徽中謚威 殿中少監右金

吾衛將軍贈輔國大將軍原國公田歸道仁會子中宗

時謚烈

絳州刺史武昌縣子孔禎山陰人高宗時謚温 衛州刺

史銀青光祿大夫梁郡公孔若思禎從姪開元中謚惠

禮部尚書贈吏部尚書許康佐文宗時謚懿

集賢院學士光祿大夫贈太子少保徐堅長興人玄宗時

謚文

邠王傅固安縣侯盧粲范陽人玄宗時謚景

續文獻通考 卷之二百四十三 三十一
檢校并州長史大總管贈幽州都督譙縣子婁師德原武人聖曆三年謚貞

蒲州刺史贈幽州都督清丘縣公崔義玄武城人高宗時謚貞

尚書左僕射同中書門下三品贈特進并州大都督鄭國公楊再思原武人武后時謚恭

右衛大將軍贈輔國大將軍并州都督畢國公阿史那杜余突厥處羅可汗次子永徽中謚元

右驍衛大將軍贈鎮軍大將軍薛國公阿史那忠突厥左賢王忠宿衛四十八年無繼隙人比金日磾高宗時謚貞

歸州刺史贈勝州都督駙馬都尉安國公執失思力突厥酋長高宗時謚景

鎮軍大將軍贈輔國大將軍并州都督涼國公契苾何力鐵勒部人高宗時謚毅 左鷹揚衛大將軍贈涼州刺史漁陽縣公契苾明何力子武后時謚靖

右衛大將軍贈并州大都督汴國公泉男生高麗蓋蘇文子高宗時謚襄

左驍衛大將軍朔方副大使酒泉郡公贈撥川郡王論弓仁吐蕃族玄宗時謚忠

西南道節度使贈尚書左僕射忠義郡王裴玢疏勒部人元和中謚節

金紫光祿大夫皖城郡公張儉新豐人永徽中謚密 左

衛大將軍贈荊州刺史范陽郡公張延師儉弟謚敬

隋州刺史開府儀同三司王裕并州祁人謚文 散騎常

侍贈戶部尚書王瑁曾孫玄宗時謚孝

涼州安集大使贈左驍騎大將軍幽州都督臨清縣公蘇

烈冀州武邑人乾封中謚莊

朔方行軍大總管贈太常卿平陽郡公薛訥龍門人仁貴

子開元中謚昭定

朔方道總管贈右衛大將軍東平郡公程名振洛州平恩

人太宗時謚烈

特進朔方行軍大總管贈荊州大都督宋國公唐璿京兆

始平人延和元年謚忠

戶部尚書朔方軍節度使贈尚書左丞相中山郡公王峻

洛陽人玄宗時謚忠烈

檢校岐州刺史贈禮部尚書幽州都督壽陵縣男柳亨蒲

州解人太宗時謚恭

東京留守判官贈禮部侍郎蔣清萊州膠水人文宗時追

謚忠

清與李愬同死祿山之亂以秩卑不及謚太和中吏部

郎中王高言之朝故及

司僕少卿贈越州都督徐有功文遠孫會昌中追謚忠正

侍中兼太子賓客贈幽州都督張文瓘貝州武城人玄宗

續文獻通考 卷之二百四十三

時謚懿

國子司業贈衛州刺史清河縣子崔融齊州全節人中宗

時謚文 中書舍人贈定州刺史崔禹錫融子開元中

謚貞 禮部尚書贈荊州大都督崔翹融子開元中謚

成 檢校尚書左僕射淮南節度副大使崔從融曾孫

太和六年謚貞 太子太保分司東京贈司空崔慎由

從子咸通中謚貞 太子太傅贈太子太師崔安潛從

子僖宗時謚貞孝

禮部尚書左衛大將軍贈特進并州都督芮國公豆盧寬

雍州萬年人貞觀中謚定 開府儀同三司檢校安國

相王府長史贈司空并州大都督豆盧欽望寬子中宗

時謚元

鸞臺侍郎同鳳閣鸞臺平章事贈司空梁公狄仁傑并州

太原人聖曆中謚文惠

廬州刺史贈秘書監朱敬則亳州永城人睿宗時追謚元

右驍衛大將軍贈兵部尚書代國公安金藏長安人大曆

中追謚忠

左庶子贈吏部尚書石泉縣公王琳字方慶晉王導之裔

徙咸陽長安二年謚貞 太子少師贈開府儀同三司

王璵方慶六世孫肅宗時謚簡懷

太子賓客彭城縣君贈太子少保劉知柔延祐子開元中

謚文

秘書員外少監兼修國史贈禮部尚書扶陽縣子常承慶
鄭州武陽人中宗時謚溫 陳州刺史贈兵部尚書常
嗣立承慶弟開元中謚孝

太子少保贈尚書左丞充國公陸象先蘇州吳郡人開元
中謚文貞 太子詹事廣平公陸餘慶象先從叔父開
元中謚莊 太子少師贈尚書左僕射陸希聲象先四
世從孫昭宗時謚文

文昌左相司鳳閣鸞臺三品贈益州大都督邢國公王及
善洛州邯鄲人武后時謚貞

東都留守同中書門下三品贈侍中趙公李懷遠栢人人
神龍中謚成

中書令贈太尉益州大都督河東侯裴炎聞喜人睿宗時
追謚忠

太子詹事贈工部尚書范陽男張廷珪濟源人開元中謚
貞穆

太原尹贈幽州都督彭城公韋湊萬年人玄宗時謚文
太子太師贈司徒幽國公韋見素湊子寶應初謚忠貞
工部尚書東京留守贈揚州大都督南皮郡子韋虛心
見素同宗叔謙子景龍中謚正

太子賓客長山伯韓思復京兆長安人玄宗時謚文
兵部侍郎贈戶部尚書裴潁絳州聞喜人穆宗時謚敬
刑部尚書贈黃門監中山公李又房子人開元中謚貞

續文獻通考 卷之二百四十三 三十四 三十七 京

侍中特進贈司徒譙國公桓彥範丹陽人睿宗時追謚忠

烈

太子賓客魏公楊元琰閬鄉人開元中謚忠

侍中特進贈秦州都督平陽王敬暉絳州平陽人睿宗時

追謚肅愨

中書令博陵王崔玄暉博陵安平人睿宗時謚文獻 道

州刺史贈太子太傅崔渙玄暉孫代宗時謚元 太常

卿贈吏部尚書常山公崔縱渙子貞元中謚忠

特進襄州刺史贈中書令濮陽王張柬之襄陽人景雲元

年謚支貞

中書令特進南陽王袁恕已滄州東光人睿宗時追謚貞

烈

將作大匠開府儀同三司贈太尉益州大都督初國公王

仁皎玄宗廢后父開元中謚昭宣

光祿卿駙馬都尉瑯琊公王同皎相州安陽人睿宗時謚

忠

同皎欲誅三思廢帝后見殺

禮部尚書贈荊州大

都督王丘同皎從子天寶中謚文

彬州刺史贈司徒徐國公劉幽求冀州武疆人開元中謚

文獻

汝州刺史贈吏部尚書荊州大都督齊國公崔日用滑州

靈昌人開元中謚昭 潞州長史中山公崔日知日用

從兄開元中謚襄

續文獻通考 卷之二百四十三 三十五 三百九 京

續文獻通考 卷之三百四十三
務州尉贈尚書左僕射尉州刺史齊公魏元忠宋州宋城人開元中謚貞

沔州別駕贈左僕射郇國公韋安石萬年人玄宗天寶中謚文貞 吏部尚書贈尚書左僕射郇國公韋陟安石子永泰元年謚忠孝

太常博士程皎議謚忠孝顏真卿以爲許國養親不兩立不當合二行爲謚主客員外郎歸崇敬亦駁正之右僕射郭英文無學術卒用太常議云

國子祭酒贈兗州都督脩文館學士沛國公常叔夏安石兄中宗時謚文 刑部尚書贈太子少傅韋抗叔夏從父子玄宗時謚貞

尚書左僕射贈特進荊州大都督常巨源睿宗時謚昭

博士李處直謚巨源爲昭戶部員外郎李邕以巨源附武三思爲相託韋后親屬謚昭爲非處直執不改邕列陳其惡不見用然世皆直豈

朔方行軍大總管唐休璟始平人謚忠

秘書監贈潤州刺史常山縣公馬懷素丹徒人謚文

太子賓客弘文館學士禮部尚書元澹字行冲元魏後裔開元中謚獻

秘書監贈禮部尚書陸堅洛陽人開元中謚懿

左散騎常侍兼國子祭酒贈禮部尚書舒國公褚無量益官人開元中謚文

紫微令開府儀同三司贈揚州大都督梁國公姚崇硤石人開元中謚文獻

尚書右丞相贈太尉廣平郡公宋璟南和人開元中謚文貞

太子少傅贈司空荊州大都督許國公蘇瓌武功人景雲中謚文貞 紫微侍郎同紫微黃門平章事右丞相許國公蘇頲瓌子開元中謚文憲

右丞相開府儀同三司贈太師燕國公張說洛陽人開元中謚文貞

時楊伯成駁有瑕玷不從 工部尚書贈幽州都督梁國公魏知古陸澤人開元中謚忠

左監門大將軍應國公李粲萬年人高宗時謚明 殿中監同鳳閣鸞臺平章事贈秦州都督金城侯李道廣粲孫武后時謚成 太子詹事贈太子太傅清水縣男李紘道廣子開元中謚文忠

禮部尚書贈尚書右丞相魏縣侯杜暹濮陽人開元中謚貞孝

初謚貞肅劉同昇等以遲行忠孝謚有未盡其子又列訴乃更勅有司考定謚貞孝

門下侍郎贈太尉衛國公杜鴻漸濮州人大曆中謚文憲

荊州長史贈荊州大都督始興縣伯張九齡曲江人開元

續文獻通考 卷之四百四十三 三十一 京三十八十七

中謚文獻 秘書監贈禮部尚書曲江縣伯張仲方抗
之子九齡從曾孫文宗時謚成

太子少師贈揚州大都督太子太師宜陽縣子韓休長安
人開元中謚文忠 鎮海軍節度使加檢校左僕射同

中書門下三品贈太傅鄭國公韓滉休子貞元中謚忠
肅 東都留守贈太子太保韓臯滉子長慶中謚貞

工部尚書定州刺史知平北軍事贈益州大都督河東侯
張嘉貞蒲州猗氏人開元中謚恭肅 中書侍郎同中

書門下平章事贈太保張延賞嘉貞子德宗時謚成肅
江陵大都督長史贈禮部尚書源乾曜相州臨漳人天寶

中謚懿

岐王府長史裴子餘絳州稷山人開元中謚孝

時程行謚貞中書令張說嘆曰裴程二謚可無媿矣

尚書右僕射贈太子太傅趙城侯裴耀卿子餘弟天寶

中謚文獻 國子祭酒工部尚書贈吏部尚書裴佖耀

卿孫德宗時謚貞

檢校太子詹事贈交州都督河內郡公蘇珣藍田人中宗

時謚文

工部尚書贈黃門監天水郡公尹思貞長安人開元中謚

簡

太子詹事贈黃門監畢構偃師人玄宗時謚景 廣平太

守畢炕構子謚忠

炕拒祿山城陷覆其家

禮部尚書贈江陵大都督襄陽子席豫襄陽人天寶中謚文

太子賓客贈戶部尚書齊抗義豐人德宗時謚成

太子賓客贈禮部尚書崔沔長安人開元中謚孝

吏部尚書贈益州大都督盧從愿臨漳人開元中謚文

御史大夫贈吏部尚書金城伯李朝隱三原人開元中謚

貞

太子賓客贈禮部尚書裴謹聞喜人開元中謚懿 江西

觀察使贈尚書右僕射裴胄謹從姪德宗時謚成

國子祭酒北平縣伯陽嶠洛陽人睿宗時謚敬

河北度支營田使兼營州都督贈工部尚書宋慶禮永平

人玄宗時謚敬

太常博士張星以慶禮好功自是謚曰專禮部員外郎

張九齡申駁曰慶禮在邊三十年往城營州士纔數千

無甲兵捍衛指期而往不失所慮遂罷海運收歲儲邊

亭晏然其功可推不當醜謚慶禮兄子辭玉亦自請闕

訴改謚曰敬

左散騎常侍贈戶部尚書楊瑒華陰人玄宗時謚貞

東都留守贈益州大都督清河郡公崔隱甫武城人玄宗

時謚忠

太子賓客高邑伯李尚隱萬年人開元中謚貞

安州別駕贈工部尚書居巢侯劉知幾彭城人玄宗時追

諡文 吏部尚書贈陝州大都督劉滋知幾孫貞元中

諡貞 宣州刺史都團練觀察使贈吏部尚書劉贇知

幾孫德宗時諡敬

秘書監贈禮部尚書義興縣公蔣乂河南人憲宗時諡懿

幽州守贈大尉賈循華原人建中二年諡忠

禮部尚書東京留守酒泉縣侯李愷文水人肅宗時諡忠

懿諡山隔東京愷與子十人皆死

左武衛大將軍贈涼州都督介休縣公郭知運晉昌人永

泰初諡威

工部尚書同中書門下三品知門下事領河東節度副大

使左相贈尚書右丞相幽國公牛仙客涇州鶉觚人玄

宗時諡貞簡

尚書左僕射同中書門下平章事贈太尉西平王哥舒翰

其先突騎施酋長天寶中諡武愨

東都留守贈禮部尚書盧奕懷慎少子肅宗時死于安祿

山諡貞烈

滎陽太守贈禮部尚書崔無詖博陵人肅宗時死于安祿

山諡毅勇

右龍武統軍贈揚州大都督張伯儀魏州人德宗時諡恭

初伯儀卒請諡博士李吉甫以中興三十年而兵未戢

者將帥養寇藩身也若以亡敗為戒則總干戈者必圖

萬全而不決戰若伯儀雖敗而其忠可錄遂諡曰恭

左羽林大將軍贈營州都督薊郡公李楷洛本契丹酋長
入朝為營州柳城人武后時謚忠烈 太尉河東節度

使贈太保臨淮郡王李光弼楷洛子廣德中謚武穆

臨清尉贈秘書少監權皋丹徒人元和中謚貞孝

尚父太尉中書令贈太師汾陽王郭子儀華州鄭人建中

二年謚忠武

朱子綱目書法曰號官爵謚咸具前乎此未有也後乎

此無有也終綱目千三百六十二年一人而已

太子詹事贈太子太傅代國公郭曜子儀子建中三年

謚孝

大將軍號國公贈武威郡王李嗣業高陵人肅宗時

謚忠勇

檢校左僕射知省事贈司空扶風郡王馬璘扶風人大曆

中謚武

山南西道副元帥兼節度使贈太保涼國公李抱玉河西

人大曆中謚昭武

左散騎常侍襄陽王路應三原人元和六年謚靖

宣歙觀察使贈左散騎常侍房式河南人憲宗時謚傾

吏部尚書崔乾度曰始式刺蜀州劉闢構難即謂闢曰

向夢公為上相儀衛甚盛幸無相忘闢喜以為祥後闢

發兵署牒首曰闢副曰式參謀曰符載大節已虧不宜

得謚博士李虞仲曰始闢反如式不能去又不能死可

謂求生害仁者也闕走西山召所疑畏者盡殺之式在其間會救得免而曰大節已虧近于溢言謚乃定

檢校左僕射知省事贈太子太師趙國公崔圓武城人大曆中謚昭襄

太保贈太師韓國公苗晉卿壺關人永泰初謚文貞

初謚懿獻元載未顯時爲晉卿所遇故諷有司改之

荊州刺史贈吏部尚書須昌縣伯呂諲河東人永泰中謚肅

嚴郢以諲故吏請謚有司博士獨孤及謚曰肅郢以故事宰相謚皆二名請謚曰忠肅及執奏謂謚在義美惡不在多名文王伐崇周公殺三監淮夷重耳一戰而霸

而謚曰文冀缺之恪審俞之忠隨會不忘其君而謚曰武故知稱其大略其細也且二名謚非古也漢興蕭何張良霍去病霍光以文武大畧佐漢致太平一名不盡其美乃有文忠文成景桓宣成之謚唐興參用漢制魏徵以王道佐時近文愛君忘身近貞二者並優廢一莫可故曰文貞蕭瑀端直近貞性多猜近褊言褊則失貞稱貞則遺褊故曰貞褊蓋有爲爲之也若跡無異稱則易以一字故杜如晦曰成封德彝曰明王珪曰懿陳叔達曰忠溫彥博曰恭岑文本曰憲韋巨源曰昭皆當時赫赫居宰相位不過一名而言故事宰相必以二名固所未聞宜如前謚遂不改

續文獻通考 卷之四百四十三 三十三
左散騎常侍信都縣伯賈至洛陽人大曆中謚文

太原尹南陽公鄧景山曹州人代宗時謚敬

中書侍郎同中書門下平章事贈司徒楊綰華陰人代宗
時謚文簡

初太常謚綰曰文貞比部郎中蘇端險人也特異議宰
相常袞陰助之代宗以其言醜險不實貶端巴州員外
司馬賜綰謚曰文簡

太子太傅薊國公鮮于叔明閬中新政人德宗時謚襄

中書侍郎同中書門下平章事贈太傅崔祐甫博陵人德

宗時謚文貞 戶部尚書贈太子少保崔俊祐甫從子

穆宗時謚肅

右散騎常侍宜城伯柳渾襄州人代宗時謚貞

檢校尚書右僕射同中書門下平章事鎮海節度使贈太

保路隋陽平人文宗時謚貞

左散騎常侍贈禮部尚書濮海縣侯高適滄州濮海人永

泰中謚忠

太子少師贈揚州都督郢國公常倫京兆人德宗時致仕

卒年八十三謚肅

東都留守贈尚書右僕射王翊晉陽人貞元中謚肅 山

南東道節度使贈戶部尚書王翊翊兄代宗時謚忠

宣歙池觀察使贈吏部尚書王凝翊曾孫僖宗時謚貞

涇原四鎮節度使贈尚書右僕射丹陽郡王朱忠亮浚儀

人憲宗時謚靈

檢校禮部尚書贈太子少保東海郡公徐申京兆人嘗從曹王高討李希烈卒謚平

忠武軍節度使贈尚書左僕射高平郡公鄒士美兖州金鄉人憲宗時謚景

昭義軍節度使贈尚書左僕射辛秘隴西人憲宗時謚肅後更謚懿

中書侍郎許昌縣子元載鳳翔岐山人興元元年謚荒後改謚成縱

尚書左僕射楊炎鳳翔天興人德宗時謚肅愍右丞孔綬駁之更謚平厲

御史大夫贈吏部尚書贊皇縣子李栖筠贊皇人代宗時

謚文獻 中書侍郎同中書門下平章事贈司空趙國

公李吉甫栖筠子謚忠懿

吉甫卒太常謚恭懿博士尉遲汾請謚敬憲集賢校理張仲方與吉甫有隙因上議曰古之謚考大節畧細行

善善惡惡一言而足按吉甫雖多才多藝而側媚取容疊致台衮寡信易謀事無成功且兵凶器不可從我始

至以伐罪則邀必成功今內有賊輔臣之盜外有懷毒蠱之臣師徒暴野農不得在畝婦不得在桑耗賦殫畜

屍僵血流齒豁成岳毒痛之痛訴天無辜階禍之發實始吉甫又言吉甫平易柔寬名不配行請俟蔡平然後

議之憲宗方用兵疾其言醜訐貶仲方遂州司馬更賜
吉甫謚忠懿

太子少傅贈太子太保李鄴邕從孫憲宗時謚肅 太子

少師贈司徒李礪鄴孫昭宗時謚文

河東節度副大使司空贈太尉王思禮高麗人上元中謚

武烈

檢校右僕射同中書門下平章事贈太尉金城郡王辛雲

京蘭州金城人大曆中謚忠獻

昭義節度使檢校工部尚書贈尚書左僕射同昌郡王王

虔休汝州梁人德宗時謚敬

檢校司空贈太師上谷郡王張孝忠奚種貞元中謚貞武

檢校太尉兼中書令贈太師延德郡王張茂昭孝忠子

元和中謚獻武

檢校司徒同中書門下平章事兼侍中中書令魏博節度

使田弘正北平盧龍人長慶元年謚忠愍 檢校工部

尚書贈尚書右僕射魏博節度使田布弘正子穆宗時

謚孝

刑部尚書判度支贈尚書右僕射蕭國公班宏衛州汲人

謚敬

兵部尚書判戶部贈右僕射王紹萬年人順宗時謚敬

尚書左僕射贈司徒李揆隴西人德宗時謚恭

中書侍郎同中書門下平章事贈太子太傅趙璟隴西人

德宗時謚貞憲

江西觀察使贈禮部尚書河間縣男齊映瀛州高陽人貞

元中謚忠

檢校尚書左僕射同中書門下平章事宣武節度副大使

知節度事贈太傅董晉虞鄉人貞元中謚恭惠

司空贈司徒趙宗儒鄧州穰人文宗時謚昭

檢校司空鳳翔節度使贈司徒晉陽郡公竇易直京兆始

平人文宗時謚恭惠

檢校吏部尚書兼門下侍郎同平章事贈司徒臨淮郡公

武元衡則天皇后族裔憲宗時謚忠愍

檢校司空山南西道節度使贈司徒趙郡公李絳贊皇人

文宗時謚貞

兵部侍郎贈禮部尚書劉廼伊闕人不從朱泚反不食卒

德宗時謚貞惠

右丞同中書門下平章事贈兵部尚書宋申錫會昌二年

謚貞

司農卿贈太尉段秀實汧陽人興元元年謚忠烈

尉衛卿兼御史中丞贈司徒顏杲卿臨沂人肅宗時謚忠

節太子太師贈司徒魯國公顏真卿杲卿弟德宗時

謚文忠元文宗時謚正烈文忠

初博士裴郁以杲卿不執政但謚日忠議者不平故以

二字謚焉

朱子綱目書法曰書贈書謚重死節也故杲卿書謚忠節秀實書謚忠烈真卿書謚文忠皆死節者也綱目書贈官十二而書謚曰某者三人而已

太尉中書令贈太師西平王李晟臨潭人貞元中謚忠武太子少保贈太尉涼公李愬晟子憲宗時謚武

時博士元從質所議尚書省以其與父同欲改之從質曰愬無他行以功定謚不可改也卒從之

司徒兼侍中贈太傅北平王馬燧邠城人貞元中謚壯武少府監贈工部尚書馬暢燧子順宗時謚縱初暢謚

敬

檢校司徒兼中書令贈太師咸寧王渾瑊鉄勒部人貞元

中謚忠武

綱目斷曰唐書渾瑊與李晟同謚忠武通鑑於瑊獨不著謚何也夫瑊解奉天之圍晟收復京城且晟破賊時瑊亦進取咸陽其功固不相下瑊嘗謂晟秉義執志臨事不可奪雖知晟莫若瑊然瑊之秉義執志亦可知也虜尚結贊曰唐之名將李晟與渾瑊耳兩王名播戎狄俱謚忠武誠非虛美分註補書輝映史冊宜哉

檢校尚書左僕射鎮國軍節度使贈司空武康王李元諒安息人貞元中謚莊威

右龍武統軍韓游環靈武人貞元中謚襄

忠州別駕贈兵部尚書陸贄嘉興人順宗時謚宣

檢校司徒兼中書令贈太師南康郡王帝昶萬年人順宗時謚忠武

檢校尚書左僕射同中書門下平章事贈太保馮翊郡王嚴震益亭人貞元中謚忠穆

司徙中書令贈太尉許國公韓弘匡城人憲宗時謚隱

右驍騎大將軍贈戶部尚書韓公武弘子憲宗時謚恭

檢校司空宣武節度使贈司徒韓克弘弟穆宗時謚肅

京兆尹兼戶部尚書贈尚書右僕射吳湊濮州人章敬皇

后弟貞元中謚成金吾衛大將軍贈太子太保吳淑

湊弟爲朱泚所害德宗時謚忠

工部尚書嚴濟美憲宗時謚温

彭王傳贈太子少師會稽郡公徐浩越州人德宗時謚定

左散騎常侍贈兵部尚書潘孟陽元和中謚康

門下侍郎同中書門下平章事兼戶部尚書贈司空崔元

式博州人宣宗時謚莊

檢校戶部尚書山南西道節度使贈尚書右僕射常綬萬

年人穆宗時謚諤醜

工部尚書贈禮部尚書張薦深州陸澤人順宗時謚憲

江西觀察使贈左散騎常侍王仲舒邠人穆宗時謚成

尚書右僕射贈太子太保姚南仲下邳人元貞中謚貞

常州刺史檢校司封郎中獨孤及洛陽人德宗時謚憲

吏部尚書吳縣男顧少連吳人德宗時謚敬

太子少保贈尚書左僕射常夏卿萬年人謚獻

東都留守贈太子少保許孟容長安人憲宗時謚憲

刑部尚書贈尚書右僕射李遜客居荊州長慶中謚貞

給事中御史大夫魏博宣慰使贈尚書左僕射孔巢父孔

子三十七世孫為李懷光軍士所害德宗時謚忠禮

部尚書贈兵部尚書孔戣巢父子穆宗時謚貞

太常卿贈吏部尚書崔邠武城人憲宗時謚簡檢校禮

部尚書贈吏部尚書崔郾弟敬宗時謚德

兵部尚書贈太子太保柳公綽華原人太和中謚元

尚書左僕射贈司空弘農郡公楊於陵漢楊震之裔太和

中謚貞孝江州刺史贈尚書左僕射楊嗣復於陵子

宣宗時謚孝穆

戶部尚書贈右僕射馬總系出扶風穆宗時謚懿

兵部尚書贈尚書左僕射餘姚郡公歸崇敬吳人德宗時

謚宣工部尚書贈太子少師長州縣男歸登崇敬子

憲宗時謚憲

太子賓客贈工部尚書武邑縣男崔倫安平人代宗時謚

敬宣歙池觀察使贈工尚書崔衍倫子元和元年

謚懿

左散騎常侍贈工部尚書河東郡公薛華寶鼎人憲宗時

謚宣

檢校工部尚書淮南節度使贈太子少傅衛次公河東人

憲宗時謚敬

江西觀察使薛戎寶鼎人穆宗時謚簡

宣歙觀察使贈左散騎常侍王質隋時通之裔武宗時謚定

檢校禮部尚書宣武節度使北海縣子贈尚書右僕射王彥威系出太原文宗時謚清

太子少師檢校司徒贈太保滎陽公鄭餘慶滎陽人穆宗時謚貞 山南西道節度使贈尚書左僕射鄭澣餘慶

子文宗時謚宣 太保鄭從讜澣子中和時謚文忠

太子太傅贈司空鄭絀餘慶從父文宗時謚宣

吏部尚書贈尚書左僕射鄭珣瑜滎澤人順宗時謚文獻

太常博士徐復謚珣瑜文獻兵部侍郎李巽言文者經

緯天地用二謚非春秋之正請更謚復謂二謚周漢以

來有之威烈慎覲周也文成文終漢也况珣瑜名臣二

謚不嫌巽曰謚一正也堯舜是也二謚非古也法所不

載詔從復議

尚書右僕射贈太子太保高郢衛州人順宗時謚貞

檢校吏部尚書山南西道節度使贈尚書左僕射權德輿

天水畧陽人憲宗時謚文

檢校司空左僕射贈太傅賈耽滄州南皮人順宗時謚元

靖

光祿大夫守太保贈太傅岐國公杜佑萬年人元和七年

謚安簡

山南西道節度使贈司空彭陽郡公令狐楚華原人開成

中謚文

戶部尚書贈太子太傅上柱國裴延齡河東人元和中謚

謬

門下侍郎同中書門下平章事贈太子太傅崔損系本博

陵貞元中謚靖

太常卿贈刑部尚書常牟萬年人貞元中謚忠

左僕射贈太尉太原郡公王播太原人後爲揚州人太和

中謚敬

檢校司空贈太尉魏郡公王起播弟宣宗時

謚文懿

工部侍郎同中書門下平章事領塩鐵使贈尚書左僕射

程昇長安人憲宗時謚恭

檢校司空同中書門下平章事河中節度使贈司徒邠國

公杜黃裳萬年人元和三年謚宣獻

太子詹事贈戶部尚書李藩趙州人憲宗時謚貞簡

吏部侍郎常肇萬年人代宗時謚貞 河南尹贈尚書右

僕射常貫之肇子穆宗時謚貞後謚文 秘書監分司

東都贈戶部尚書常澳貫之子懿宗時謚貞 宣歙觀

察使贈工部尚書常溫貫之從子武宗時謚孝

同中書門下平章事邠寧節度使贈司徒南平王高崇文

自渤海徙幽州憲宗時謚威武 右金吾衛大將軍邠

州節度使贈司空高承簡崇文子憲宗時謚敬

北庭副元帥檢校司徒贈太傅劉玄佐匡城人德宗時謚

壯武

檢校右僕射兼右衛上將軍贈太子太保南克郡王伊慎

兖州人憲宗時謚壯繆

檢校尚書左僕射兼左龍武統軍贈潞州大都督彭城郡

公劉昌裔曲陽人憲宗時謚威

太子太保贈太子太師范希朝虞鄉人憲宗時謚忠武改

謚宣武

檢校司徒兼太子太傅河東節度使贈太尉王鐸太原人

憲宗時謚醜

鄜坊節度使贈尚書右僕射王栖曜濮陽人貞元中謚成

將作監河南節度使贈司徒濮陽郡公王茂元栖曜

子憲宗時謚威

太子少保贈揚州大都督趙昌天水人憲宗時謚成

太子賓客贈刑部尚書任迪簡萬年人憲宗時謚襄

司徒河東節度使贈太尉李光顏河曲部人寶曆二年謚

忠

司徒山南西道節度使贈太尉邠國公烏重胤張掖人文

宗時謚懿穆

太子賓客贈太保于頔隋于謹七世孫謚思

頔初謚厲子季友尚憲宗女永昌公主拜駙馬都尉從
穆宗獵死中求改頔謚會徐泗節度使李愬亦爲請乃
更謚曰思尚書右丞張正甫封還詔書右補闕高鉞博
士王彥威持不可謂頔文吏倔彊犯命擅軍襄鄧欲脅
制朝廷殺不辜留制遞囚使者僭正樂勢迫而朝非其
宿心得全首領而沒猶以爲幸不宜更謚帝不從
工部尚書贈右僕射杜羔正倫五世孫憲宗時謚敬
檢校吏部尚書東都留守贈太子少傅杜亞京兆人貞元

中謚肅

中書令贈太師晉國公裴度聞喜人開成中謚文忠 檢

校尚書右僕射贈司空晉國公裴識度子宣宗時謚昭

司徒贈太尉涼國公李逢吉系出隴西文宗時謚成

太子少師贈太尉牛僧孺隋牛弘之裔宣宗時謚文簡

吏部侍郎贈禮部尚書韓愈南陽人長慶四年謚文

刑部尚書馮翊縣侯白居易下邳人會昌中謚文

居易臨卒遺命薄葬毋請謚從弟敏中爲相請謚有司

謚之曰文 太傅太原郡公白敏中咸通中謚醜

敏中卒議謚博士曹鄴責其病不堅退且逐諫臣謚法

怙威肆行曰醜遂以謚之

東川節度使贈吏部尚書長樂縣公馮宿東陽人文宗時

謚懿

宿爲博士時王士真死子承宗阻命不得謚宿謂世勞不可遺乃上佳謚示不忘忠

左散騎常侍贈工部尚書馮定宿弟文宗時謚節

時太常博士李虞仲建言謚者所以表德徵惡春秋褒貶法也茅土爵祿戮辱流放皆緣一時非以明示百代然而後之所以知其行者惟謚是觀古者將葬請謚今近或二三年遠或數十年然後請謚人沒已久風績湮歇採諸傳聞不可考信誅狀雖在言與事浮臣請凡得謚者前葬一月請考功刺太常定議其不請與請而過時者聽御史劾舉居京師不得過半暮居外一暮若善惡著而不請許考功察行謚之節行卓然雖無官及官卑者在所以聞詔可

山南東道節度使李翱元魏李冲十世孫謚文

中書侍郎門下平章事贈司空高瓌渤海人懿宗時謚刺太常博士曹璞建言瓌爲宰相交游醜雜進取多蹊徑謚法不思妄愛曰刺請謚爲刺從之

太子賓客敬晦河東人大中時謚肅

檢校右僕射平章事淮南節度使贈太尉趙國公李紳敬玄曾孫武宗時謚文肅

檢校尚書右僕射淮南節度使贈太尉贊皇男李珣趙郡人宣宗時謚貞穆

荆南節度使贈司空鄭肅滎陽人宣宗時謚文簡

太保贈太傅范陽郡公盧鈞系出范陽徙藍田懿宗時謚元

檢校司徒太子太保贈太傅鄭畋系出滎陽昭宗時謚文昭

吏部尚書右僕射贈司空瑯琊侯王徽京兆人大順元年謚貞

侍中檢校太尉贈太子太師王處存萬年人昭宗時謚忠肅

騎士馬景昭宗時誘李茂貞開城門而朱全忠敗之昭宗得返長安故賜謚忠壯

魏博節度使檢校司徒同中書門下平章事贈太傅何進滔靈武人武宗時謚定

魏博節度使檢校太師侍中贈太師北平王羅弘信貴鄉人光化元年謚莊肅

恒州長史檢校太尉兼中書令贈太師瑯琊郡王王武俊契丹人初謚威烈貞元中更謚忠烈 恒冀節度使同

中書門下平章事贈司徒清河郡公王士真武俊子元和中謚景襄

成德節度使檢校司徒同中書門下三品兼太傅贈太師太原郡公王元逵回紇人廷奏子武宗時謚忠 成德

節度使檢校太傅贈太傅王景崇元逵孫懿宗時謚忠穆

續文獻通考卷之三百四十一

幽州節度副大使贈兵部尚書彭城郡公劉忬平昌人憲

宗時謚恭 幽州節度副使檢校尚書左僕射同中書

門下平章事贈太師劉濟忬子為子總毒死憲宗時謚

莊武 秦州刺史贈尚書左僕射彭城郡公劉澶忬次

子憲宗時謚景

盧龍節度副大使檢校司徒同中書門下平章事蘭陵郡

公張仲武范陽人武宗時謚莊

盧龍節度使檢校司徒兼太傅同中書門下平章事燕國

公張允伸范陽人咸通中謚忠烈

工部尚書楊昉謚恪

定州刺史定襄郡公于匡濟謚果

杜氏通典云恪果一一謚謚法所無

營州都督檢校右驍騎將軍周道務母即臨川公主謚襄

武氏偽謚

太原靖王武克己武氏五世祖謚成皇帝廟號嚴祖 妣

裴氏謚成莊皇后

趙肅恭王武居常武氏高祖謚章敬皇帝廟號肅祖 妣

劉氏謚章敬皇后

魏義康王武儉武氏曾祖謚混元昭安皇帝廟號烈祖

妣宋氏謚昭安皇后

周安成王武華武氏祖謚立極文穆皇帝廟號顯祖 妣

劉氏謚文穆皇后

續文獻通考卷之三百四十一

三百四十一

忠孝大王武士夔武氏父高祖時累官工部尚書封應國

公盛利荆二州都督贈禮部尚書謚定武氏時謚無上

孝明高皇帝廟號太祖 妣楊氏初謚忠烈後謚孝明

高皇后

楚王武士讓武氏從父謚僖

蜀王武士逸武氏從父謚節 湖州刺史潁川王載德士

逸曾孫 武氏時謚武烈

梁王武元慶武氏從兄謚憲 元慶子三思中宗時謚宣

三思子魯王崇訓中宗時謚忠

魏王武元爽武氏從兄謚德 元爽子承嗣謚宣

秦王武攸暨武氏從父士稜之子中宗時謚忠簡

謚法通考卷之一百四十三終

續文獻通考 卷之一百四十三

續文獻通考卷之一百四十四

皇明進士雲間王圻纂輯

謚法考 後梁帝后謚

肅祖姓朱氏名黯宋州碭山午溝里人開平元年追謚宣

元皇帝廟號肅祖 妣范氏謚宣熙皇后

敬祖名茂林黯子開平元年追謚光獻皇帝廟號敬祖

妣楊氏謚光孝皇后

憲宗名信茂林子開平元年追謚昭武皇帝廟號憲祖

妣劉氏謚昭懿皇后

烈祖名誠信子開平元年追謚文穆皇帝廟號烈祖 妣

王氏單州單父人少寡携其三子傭食蕭縣劉崇家温

鎮宣武時載以歸封晉國太夫人温未即位先卒追謚文惠皇后

太祖名晃誠第三子初從黃巢為盜已降唐拜宣武軍節度使賜名全忠累兼數鎮封梁王開平元年遂篡唐而有天下乾化二年為子友珪所弑謚神武元聖孝皇帝廟號太祖 張皇后碭山縣渠亭里富家子生末帝天福元年卒末帝即位追謚元貞皇后

後梁諸臣謚

太子兼中書令贈尚書令羅紹威貴鄉人梁時謚忠壯保義節度使潞州東北面招討使同中書門下平章事贈太師瑯琊郡王王檀京兆人始終為梁臣貞元中謚忠

司空贈太傅長樂郡王馮行襲均州人梁時謚忠敬

後唐帝后謚

懿祖名執誼本姓朱邪唐賜姓李氏其先沙陀人同光元年謚昭烈皇帝廟號懿祖 妣崔氏謚昭烈皇后

獻祖本名赤心執誼子唐懿宗賜姓名李國昌仕至鴈門以北行營節度使廣明二年卒同光元年謚文景皇帝廟號獻祖 妣秦氏謚文景皇后

太祖名克用國昌子仕唐封晉王以仍稱天祐四年卒同光元年追謚武皇帝廟號太祖 次妃曹氏生莊宗莊宗即位尊為皇太后同光三年薨謚貞簡

莊宗名存勗克用長子以仍稱天祐五年卽晉王位十九年滅梁卽帝位是爲同光元年四年爲伶人所弑謚昭宣光烈皇帝 劉皇后魏州成安人父劉叟善卜后位次在三特以寵立有穢行明宗時賜死晉天福五年追謚神閔敬皇后

明宗本夷狄無姓氏一云邈佶烈氏又云代北金鳳城人姓李氏名亶克用養以爲子賜名嗣源莊宗時爲馬步軍總管鎮成德同光四年莊宗崩入卽位長興四年崩謚聖德和武欽孝皇帝 曹皇后不見其世家謚和武憲皇后 夏皇后不見其世家長興元年追冊爲皇后謚昭懿 魏皇后鎮州平山人初適平山民王氏生子

十歲矣是爲從珂明宗掠平山得其子毋以歸居數年卒清泰二年追尊爲皇太后謚宣憲

愍帝名從厚明宗第五子長興四年卽位尋爲從珂所弑晉天福初謚愍 孔皇后父循橫海軍節度使后有賢行生四子廢帝從珂入立后及四子皆見殺晉高祖追謚哀

明宗所生祖考謚

高祖聿謚孝恭皇帝廟號惠祖 妣劉氏謚孝恭昭皇后
曾祖敖謚孝質皇帝廟號毅祖 妣張氏謚孝質順皇后
祖琰謚孝靖皇帝廟號烈祖 妣何氏謚孝靖穆皇后
考失名謚孝成皇帝廟號德祖 妣劉氏謚孝成懿皇后

俱天成二年謚

後唐宗室謚

明宗姪從敏謚恭惠

後唐諸臣謚

唐鳳翔節度使秦王李茂貞稱臣于後唐莊宗時謚忠敬
中書令天下兵馬副元帥太師尚書令濟王張全義濮州
人明宗時謚忠肅

平盧節度使贈太師霍彥威曲周人明宗時謚忠武

後晉帝后謚

靖祖名璟姓石氏太原汾陽里人本出於西夷天福元年
追謚孝安皇帝廟號靖祖 妣秦氏謚孝安皇后

肅祖名彬璟子天福元年追謚孝簡皇帝廟號肅祖 妣

安氏謚孝簡恭皇后

睿祖名昱彬子天福元年追謚孝平皇帝廟號睿祖 妣

來氏謚孝平獻皇后

獻祖名紹雍昱子天福元年追謚孝元皇帝廟號獻祖

妣何氏謚孝元懿皇后

高祖名敬瑭紹雍子明宗婚仕唐為河東節度使蕃漢馬

步軍總管末帝三年篡位天福七年崩謚聖文章武明

德孝皇帝廟號高祖 李皇后即唐明宗女無謚

後晉臣謚

太子少保贈太子少傅朱漢賓譙人高祖時謚貞惠

河東節度使贈太師康福蔚州人高祖時謚武安

太子太保贈太子太師盧質河南人高祖時謚文忠

後漢帝后謚

文祖姓劉氏名湍太原人其先沙陀部人以仍稱天福十

二年追謚明元皇帝廟號文祖 妣李氏謚明貞皇后

德祖名昝天福十二年追謚恭僖皇帝廟號德祖 妣楊

氏謚恭惠皇后

翼祖名僕天福十二年追謚昭憲皇帝廟號翼祖 妣李

氏謚章懿皇后

顯祖名璵天福十二年追謚章聖皇帝廟號顯祖 妣安

氏謚章懿皇后

高祖名暉初名知遠仕晉封北平王天福十二年即帝位

乾祐元年崩謚睿文聖武昭肅孝皇帝廟號高祖

隱皇帝名承祐高祖第二子乾祐元年封周王是日即登

帝位三年郭威犯闕遇弒謚隱

周帝后謚

信祖邢州堯山人姓郭氏名璟廣順元年追謚睿和皇帝

廟號信祖 妣張氏謚睿恭皇后

僖祖名諶廣順元年追謚明憲皇帝廟號僖祖 妣申氏

謚明孝皇后

義祖名蘊廣順元年追謚翼順皇帝廟號義祖 妣韓氏

謚翼敬皇后

慶祖名簡事晉為順州刺史為劉仁恭所殺廣順元年追謚章肅皇帝廟號慶祖 妣王氏謚章德皇后

太祖名威簡之子仕漢為鄴都留守天雄軍節度使乾祐三年弒隱帝廣順元年即位顯德元年崩謚聖神恭肅

文武孝皇帝廟號太祖 柴皇后同郡里人太祖即位后已先卒追冊為皇后謚聖穆

世宗姓柴氏后兄守禮之子名榮太祖養以為子遂襲帝位顯德七年崩謚睿武孝文皇帝廟號世宗 劉皇后

不知其世家蓋微時所娶也太祖舉兵漢誅其家后見殺顯德四年追冊為皇后謚貞惠 符皇后父彥卿初適李崇訓崇訓以反誅世宗遂納為繼室即位冊為

皇后未幾崩謚宣懿 恭帝名宗訓世宗子禪於宋封鄭王開寶六年薨謚恭

周臣謚

東都留守贈中書令韓國公鄭仁海晉陽人始終為周臣世宗時謚忠正

河東行營副都部署贈侍中劉詞元城人世宗時謚忠惠 太師兼中書令瀛王馮道景城人世宗時謚文懿

道歷事五朝而列在周者以周所謚也 五代僭國君臣謚

吳王 楊行密字化源廬州合肥人唐天祐二年卒謚 武忠隆演武義元年追尊為孝武王溥僭號尊為太祖

武皇帝

渥字承天行密長子天祐二年立五年徐溫遣人縊殺之
謚景溥僭號追尊為烈祖景皇帝

隆演字鴻源行密第二子武義元年即吳王位二年卒謚
宣弟溥僭號追尊為高祖皇帝

溥行密第四子武義二年襲為王改元順義五年僭號改
天祚三年禪位於齊尋卒謚睿

東海郡王 徐溫字敦美海州朐山人楊行密起合淝以
隸帳下後累官至大丞相都督中外軍事封王以吳順

義十年卒追封齊王謚忠武養子李昇昇元元年僭號
追尊為武皇帝明年號為義祖

南唐 李恪本唐憲宗子封建王昇元二年昇推為四世
祖謚孝靜皇帝廟號定宗

超恪子昇元二年追謚孝平皇帝廟號成宗
志超子昇元二年追謚孝安皇帝廟號惠宗

榮志子昇元二年追謚孝德皇帝廟號慶宗
昇榮子為徐溫養子名知誥徐州人仕吳封齊王吳天祚

三年受禪國號齊改元昇元二年更號唐復姓李氏名
昇七年殂謚光文齊武孝高皇帝廟號烈祖 后宋氏

不知其世家曾在徐溫帳下後以賜昇昇受禪冊為皇
后保大三年殂謚元恭

元宗名璟字伯玉昇長子昇殂嗣位改元保大十六年改

交泰元年奉周正朔稱顛德六年貶號為江南國主
 以宋建隆元年薨乞追復帝號乃謚明道崇德文宣孝
 皇帝廟號元宗 妃鍾氏虔州刺史太章之女昇元中
 封齊王妃嗣王即位冊為皇后乾德三年卒謚光穆
 後主名煜字重光璟第六子以宋建隆二年即位開寶九
 年納土封違命侯太平興國三年薨追封吳王 妃周
 氏小字娥皇大司徒周失之女善音律尤工琵琶後主
 即位冊為國后年二十九殂實宋乾德二年也謚昭惠
 太子景之子交泰元年謚文獻 初有司以其靖難功謚宣武向容尉張自上書以太子
 之德承順孝愛而已不當標顯武功以垂後世璟書之

考以謚

江西道兵馬大元帥贈太弟晉王景遂昇第三子顯德五
 年謚文成

太師尚書令贈太弟齊王景達昇第四子開寶四年謚孝
 昭

侍中贈中書令江王景邊昇第五子開寶元年謚昭順

宣城公贈岐王仲宣後主子乾德二年卒年四歲謚悼獻

史臣馬令曰春秋魯君未踰年而卒者書子卒以其不
 全乎君也先君未葬而嗣君卒者書子某卒猶云父前
 子名也皆不作謚太子冀有謚固非春秋之法至於仲
 宣幼殤則又甚矣東晉瑯琊世子卒而賀循以為不可

作謚君子謂其知禮

中書侍郎光政殿學士贈左僕射平章事韓熙載字叔言
北海人開寶三年謚文靖

中書令劉崇進字德修楚州山陽人謚威

康化節度使追封弘農王楊璉吳王溥子謚靖

宏州節度使宋齊丘豫章人謚醜繆熙載等四人
俱南唐臣

蜀王 王建字光圖許州舞陽人僖宗光啓二年帝幸興

元以為清道使昭宗天復四年封蜀王七年僭號偽光

天元年薨子衍立謚為神武聖文孝德明惠皇帝廟號

高祖

後蜀王 孟知祥字保胤邢州龍岡人莊宗初授成都

劍南西川節度使明宗長興四年封蜀王明年僭號以

偽明德元年薨謚文武聖德英烈明孝皇帝廟號高祖

孟昶知祥第三子明德元年立改廣政二十五年為宋乾

德三年降於宋封秦國公七日而卒贈楚王謚恭孝

太師中書令宋王趙崇韜太原人謚忠武蜀臣

南漢 劉安仁上蔡人龔祖偽乾亨元年追謚文皇帝

謙安仁子唐乾符五年為封州刺史乾亨元年追謚聖武

皇帝

隱謙長子謙卒代為封州梁開平三年封南平王乾化元

年進封南海王乾亨元年追謚襄皇帝

龔初名儼謙庶子梁末帝初龔封南海王貞明三年僭號

改元乾亨以改大有之十五年卒謚天皇帝廟號高祖

玠初名洪度龔子初封秦王已襲位改元光天二年為弟晟所弑謚殤

晟初名洪熙玠弟初封晉王弑兄自立改元應乾以改乾和之十六年卒謚文武光聖明孝皇帝廟號中宗

楚馬筠許州鄆陵人後唐天成二年曾孫殷初建國因謚為文肅

正筠子天成二年謚莊穆元豐正子天成二年謚景莊

楚國王殷字霸圖元豐子殷起裨將唐僖宗時授馬步軍都指揮使昭宗乾寧四年拜武安軍節度使梁太祖即位封楚王後唐天成二年封楚國王長興元年卒詔官

爵俱高無以為贈惟謚武穆希範字實軌殷第四子兄希聲立三年卒範嗣位以晉開

運四年卒謚文昭吳越王錢鏐字具美杭州臨安人唐僖宗乾符二年始

為董昌都指揮使昭宗乾寧時拜鎮海鎮東節度使哀宗天祐元年封吳王梁太祖即位進封吳越王後唐明

宗長興三年卒謚武肅元瓘字明寶鏐子以鏐卒之年襲位天福六年大火燒其

宮室發狂卒謚文穆

元瓘時為天下兵馬都元帥卒所司議謚莊穆王奉敕

特改文穆

佐字祐立元瓘子襲封吳越國王開運四年卒謚忠獻

淑字文德佐弟佐卒弟侖以次立大將胡進思廢之而立

俶采太平興國三年納土端拱元年更封許王其年卒

謚忠懿

丞相林鼎慈谿人謚貞獻

丞相沈崧閩人謚文獻

威武軍節度使吳程山陰人謚忠烈

檢校太尉兼侍中鮑君福餘姚人謚忠壯

丞相鄭國公杜建徽新城人謚威烈

鎮國都指揮使睦州刺史薛溫錢塘人謚正顯

丞相曹仲達仁和人謚安成林鼎等七人俱吳越王日

閩王王審知字信通光州固始人唐僖宗光啓二年兄

潮為泉州刺史卒代立是為昭宗乾寧四年尋拜武威

軍節度使封瑯琊王梁太祖封為閩王後唐同光三年

卒謚忠懿子麟僭號之元年追謚昭武孝皇帝廟號太

祖

鱗初名延鈞審知次子先延翰嗣位鱗弑而自立尋僭號

以偽永和七年為子昶與皇城使李俶所弑謚惠皇帝

廟號太宗

昶初名繼鵬鱗長子弑父自立偽通文三年延義令子繼

業弒之謚康宗

曦初名延羲審知少子為永隆六年為連重遇所弒謚景宗

南平王 高季興字貽孫本姓季後為朱友讓養子又姓

朱已復姓高唐天復三年始拜宋州刺史梁末帝時封

為渤海王後唐同光三年封南平王天成三年卒長興

元年追封楚王謚武信

從誨字遵聖季興長子長興三年封渤海王應順三年封

南平王乾祐元年王卒贈尚書令謚文獻

保融字德長從誨第三子從誨卒拜節度使周乾德元年

封南平王宋建隆元年卒贈太尉謚貞懿

宋帝后太子謚

熙祖姓趙氏諱眺涿郡人建隆元年立四親廟追謚文獻

皇帝 崔皇后謚文懿

順祖諱珽建隆元年追謚惠元皇帝 桑皇后謚惠明

翼祖諱敬建隆元年追謚恭簡皇帝 劉皇后謚簡穆

宣祖諱弘殷周龍捷左廂都指揮使始遷居洛陽建隆元

年追謚武昭皇帝 杜皇后安喜人謚昭憲

太祖名匡胤宣祖長子謚啓運立極英武睿文神德聖功

至明大孝皇帝 賀皇后開封人謚孝惠 王皇后新

平人謚孝明 宋皇后洛陽人謚孝章

太宗名炅初名光義太祖弟謚至仁應道神功聖德文武

大明廣孝皇帝 尹皇后鄴人謚淑德 符皇后宛丘人謚懿德 李皇后上黨人謚明德 李皇后真定人謚元德

真宗名恒太宗第三子謚應符稽古神功讓德文明武定章聖元孝皇帝 潘皇后大名人謚章懷 郭皇后太原人謚章穆 劉皇后華陽人謚章獻明肅 李宸妃

杭州人謚章懿 楊淑妃郟人謚章惠 沈貴妃倫之

孫謚昭靜 舊制皇后二謚惟劉后以稱制加為四字

初真宗謚號稱文翰林學士錢惟演曰真宗幸澶淵禦契丹盟而服之宜兼謚武下有司議乃加謚武定又初

真宗后妃謚皆用莊字禮官呂公綽言孝字連太祖禮德字連太宗謚婦人從夫之謚真宗謚章聖而曰莊非

禮也遂改莊為章以連真宗謚云

路史曰國朝四祖暨太祖太宗六后俱同廟謚獨章聖三后曰節曰惠曰莊呂公綽以為非謂古者婦人無謚

漢晉以來后謚多因于帝今與謚典不合乞追正前失從之此非也三母遠矣魯惠繼室號聲子聲子謚也豈

惟後世哉

仁宗名禎真宗子謚體天法道極功全德神武聖文睿哲

明孝皇帝 曹皇后彬之孫謚慈聖光獻 張貴妃永安人謚温成 苗貴妃開封人謚昭節 周貴妃開封

人謚昭淑

初帝崩翰林學士王珪議曰謹按魯子問曰賤不誅貴
幼不誅長禮也惟天子稱天以誅之春秋公羊說讀誅
制謚于南郊若云受之于天然乾興元年夏既定真宗
皇帝謚其秋始告天子圓丘史臣以爲天子之謚當集
中書門下御史臺五品以上尚書省四品以上諸司三
品以上于南郊告天議定然後連奏以聞近制惟詞臣
撰議即降詔庶僚不得參聞頗違稱天之義臣今議上
先帝尊謚欲望明詔有司詳稽舊典先之郊而後下臣
之議庶先帝之茂德休烈有以信萬世之傳

英宗名曙初名宗實本漢安懿王允讓之子仁宗立以爲
後謚體乾應曆隆功盛德憲文肅武睿聖宣孝皇帝

高皇后濠州蒙城人瓊之孫女謚宣仁聖烈

時禮部侍郎范祖禹請易聖烈曰聖獻不從

神宗名頊英宗子謚紹天法古運德建功英文烈武欽仁

聖孝皇帝 向皇后敏中孫女河內人謚欽聖憲肅

朱皇后開封人謚欽成 陳皇后開封人謚欽慈 武

賢妃謚惠穆

哲宗名煦神宗子謚體元繼道顯德定功欽文睿武齊聖

昭孝皇帝 孟皇后洛州人謚昭慈聖獻孟后始謚昭

慈獻烈翰林學士蔡宗禮上疏請改昭慈聖獻從之

劉皇后以御侍進不知何所人謚昭懷

徽宗名佶神宗第十一子謚體仁合道駿烈遜功聖文神

德憲慈顯孝皇帝 王皇后開封人始謚靜和紹興中
改謚恭顯 鄭皇后開封人崩於五國城紹興七年始
聞其喪追謚顯肅 王貴妃謚肅懿 常賢妃開封人
高宗母後尊為太后謚顯仁 劉貴妃不詳氏族謚明
達妃薨帝甚悲惋特加四字謚曰明達懿文後贈為皇
后止謚明達 劉貴妃本泗保家女謚明節妃尤帝所
寵特謚明節懿文後用明達例贈為皇后止謚明節
欽宗名桓徽宗子謚恭文順德仁孝皇帝 朱皇后開封
人后北遷而崩慶元三年追上尊號謚仁懷祔手太廟
諸帝謚惟太祖初謚十六字太宗真宗皆止六字慶曆
七年加十六字仁宗至哲宗亦止六字崇寧四年加十

六字徽宗謚乃其生時尊號因而謚之欽宗謚則止仍
六字無加也

高宗名構徽宗第九子謚受命中興全功至德聖神武文
昭仁憲孝皇帝 邢皇后開封人崩于沙漠始謚懿節
淳熙末改謚憲節 吳皇后開封人謚憲聖慈烈
孝宗名昀初名瑗太祖之裔高宗立為後受內禪即位謚
紹統同道冠德昭功晉文神武明聖仁孝皇帝 郭皇
后開封人初謚恭懷尋改安穆又改成穆 夏皇后表
州人初謚恭安寧宗時改謚成恭 謝皇后丹陽人謚
成肅
高宗初謚聖神武文憲孝紹熙二年加十六字孝宗初

續文獻通考卷一百四十四 禮考一百四十四 一四

謚哲文神武成孝慶元三年加十六字孝宗之謚孝從
詹體仁議也

光宗名惇孝宗第三子謚循道憲仁明功茂德溫文順武
聖哲慈孝皇帝 李皇后安陽人謚慈懿

初帝謚憲仁聖哲慈孝嘉泰三年加十六字

寧宗名擴光宗第二子謚法天備道純德茂功仁文哲武
聖睿恭孝皇帝 韓皇后相州人謚恭淑 楊皇后或

云會稽人謚恭聖仁烈

初帝謚仁文哲武恭孝寶慶三年加十六字

理宗名昀初名貴誠太祖之裔沂靖惠王繼子史彌遠立
為寧宗後謚建道修德大功復興烈文仁武明聖安孝

皇帝 謝皇后天台人崩于北地無謚

度宗名覈福王與芮之子理宗姪理宗無子立為後十年
崩謚端文明武景孝皇帝 全皇后會稽人崩于北地

無謚

恭帝名曩度宗次子降于元封瀛國公益王立于閩遙上
尊號曰孝恭懿聖皇帝故稱恭帝 后全氏為尼于元

無謚

端宗名昞度宗長子母楊淑妃恭帝立封為吉王元俘恭
帝以去陸秀夫蘇劉義等立帝于福州建元景炎二年
而崩時年十歲羣臣上帝廟號曰端宗謚裕文昭武愍
孝皇帝

帝昺度宗少子母俞修容始封信王又封衛王端宗崩羣
臣立帝于廣州建元祥興二年溺于海死國亡無謚

太子祐真宗子明道二年追謚悼獻

太子粵高宗子謚元懿

太子愔孝宗子謚莊文

太子珣藝祖十一世孫德昭之後寧宗立爲太子謚景獻

宋宗室謚

涪陵縣公累贈太師尚書令魏王廷美太祖弟雍熙中謚

淳 衛州防禦使樂平郡公累贈護國軍節度兼侍中

追封高密郡王德恭廷美長子明道中謚慈惠 保信

軍節度觀察留後贈信安軍節度招討使追封信都郡

王德燹廷美第三子祥符中謚安簡 天平軍觀察留

後咸寧郡公贈宣德軍節度同中書門下平章事追封

廣陵郡王德雍廷美第四子謚康簡 追封王爵在明道中賜謚在其前

侍中東平郡王贈太尉中書令申王德文廷美第五

子仁宗時謚恭裕 保康軍留後徐國公贈彰化軍節

度使安定郡王承簡廷美孫英宗時謚和懿 秦國公

贈樂平郡王承亮廷美孫熙寧中謚恭靖 定武軍節

度使贈開府儀同三司建國公克繼德恭孫元祐中謚

章靖 唐州防禦使贈崇信軍節度使尹國公叔充德

恭曾孫仁宗時謚孝齊 贈朝散郎直秘閣訓之廷美

五世孫謚忠果

檢校太尉贈中書令追封燕王德昭太祖子太平興國三年謚懿 建寧軍節度使贈侍中追封同安郡王惟正

德昭子天聖中謚僖靖 感德軍節度使贈中書令追

封南陽郡侯惟吉德昭子大中祥符三年謚康孝 同

知大宗正事贈鎮江軍節度使追封丹陽郡王守節德

昭孫謚僖穆 雄州防禦使贈保寧軍節度使楚國公

從信德昭孫謚安僖 保信軍留後會稽郡王贈安化

軍節度使開府儀同三司號王世清德昭曾孫元豐中

謚恭安 奉國軍留後贈開府儀同三司追封信王世

開德昭曾孫神宗時謚獻敏 知大宗正事贈太尉追

封淄王世雄德昭曾孫崇寧四年謚恭憲 鎮南軍留

後贈昭信軍節度使南康郡王世永德昭曾孫熙寧元

年謚修孝 贈徽猷閣待制令歲德昭玄孫為金人所

獲罵而死高宗時謚愍忠 少傅贈太師追封奉化郡

王與惟德昭八世孫謚清敏 保軍節度使贈少師追

封惠王令應從信孫紹興中謚襄靖 贈資政殿大學

士越國公希言令應玄孫嘉定十七年謚忠獻

檢校太尉贈太師秦王德芳太祖子太平興國六年謚康

惠 保康軍節度使贈同中書門下平章事榮王從式

德芳孫神宗時謚安僖 楚州防禦使贈固國軍節度

使楚國公世恩從式子哲宗時謚良僖 延州觀察使

贈保靜軍節度使同中書門下平章事楚國公從古德

芳孫仁宗時謚惠恪 左朝奉大夫加贈太師中書令

秀王侁德芳六世孫高宗時謚安僖 德生惟憲惟憲

生從郁從郁生世將世將生令儻令儻生侁生孝宗

崇信軍節度使追封崇王伯圭侁子高宗時謚憲靖

檢校太保開府儀同三司充萬壽觀使崇王追封灃

王師揆伯圭子嘉定七年謚恭惠 保康軍節度使開

府儀同三司崇王贈太傅和王師禹伯圭子嘉定十七

年謚端肅

已上皆太祖之裔惟憲從郁世將令儻謚不可考

提舉洞霄宮贈少師與憲太祖十世孫自青田徙慈谿理

宗末謚忠憲

八象上將軍江陵牧贈河中鳳翔牧追封齊王元佐太宗

長子仁宗時謚恭憲 安國軍節度使贈太尉平陽郡

王允升元佐子景祐二年謚懿恭 太宗正開府儀同

三司華陰郡王贈太尉滕王宗旦允升子元豐中謚恭

孝 明州觀察使贈保寧軍節度使東陽郡王宗悌允

升子謚孝憲 資政殿學士大中大夫贈太師福王汝

愚元佐七世孫徙居餘干理宗時追謚忠定

開封尹兼侍中許王贈皇太子元僖太宗第三子淳化三

年謚恭孝乾興初改謚昭成 代州防禦使燕國公贈

靖難軍節度使新平郡王宗保元僖嗣子本允升弟允

成之子謚恭靖 忠州團練使仲恕宗保子謚純熙

東京留守贈太師尚書令商王元份太宗第四子真宗時
謚恭靖 定武軍節度使贈太尉信安王允寧元份子
景祐中謚僖簡 集慶軍節度使豫章王贈太尉韓王
宗諤允寧子元豐中謚榮恭僕射王珪駁之謚榮孝
汝南郡王追封濮王允讓元份子嘉祐中謚安懿 彰
德軍節度使同平章事兼侍中濮陽郡王贈太師中書
令定王宗樸允讓子神宗時謚僖穆 嗣濮王昭化軍
節度使同中書門下平章事贈太師中書令廣陵郡王
宗誼允讓子謚莊孝 嗣濮王鎮南節度使檢校司徒
贈太師懷王宗暉允讓子紹聖中謚榮穆 武安軍節
度使判大宗正事檢校司徒嗣濮王贈太師昌王宗晟
允讓子紹聖中謚端孝 檢校少傅泰寧軍節度使嗣
濮王贈太傅郇王仲禦宗晟子宣和四年謚康孝 鐵
節度使開府儀同三司檢校司徒嗣濮王贈太師襄王
宗愈允讓子紹聖中謚恭憲 嗣濮王河陽三城節度
使檢校司徒贈太師榮王宗綽允讓子紹聖三年謚孝
靖 檢校司徒武昌節度使嗣濮王贈太師惠王宗楚
允讓子紹聖四年謚僖節 清海軍節度使開府儀同
三司封秉城郡王檢校司徒嗣濮王贈太師欽王宗祐
允讓子元符元年謚穆恪 江寧保平泰寧節度使開
府儀同三司檢校司空嗣濮王判大宗正事檢校司徒
太保太尉贈太師景王宗漢允讓子大觀三年謚孝簡

濟州防禦使檢校少保向德軍節度使嗣濮王追封
瓊王仲儻宗漢子紹興九年謚恭惠 常州防禦使贈
武康軍節度使洋國公仲鸞允讓孫謚良 彰德軍節
度使開府儀同三司嗣濮王贈少師簡王仲增允讓孫
政和五年謚穆孝 知大宗正事嗣濮王開府儀同三
司檢校少傅儀王仲湜允讓孫紹興中謚恭孝 崇慶
軍節度使嗣濮王追封思王士儻允讓曾孫紹興中謚
溫恭 知大宗正事贈少師和義郡王士昭允讓曾孫
淳熙中謚忠靖 贈保寧軍節度使士跋允讓曾孫紹
興末謚忠果

有康末金人驅宗室北行士跋得間道遁去居邢州結
土豪將舉義金人覺而殺之事聞故加贈謚

檢校太尉兼中書令徐州大都督武寧等軍節度使贈太
尉尚書令越王元傑太宗第五子咸平六年謚文惠
陳州觀察使陳國公仲卬元傑曾孫謚良僖

太尉兼尚書令贈太師尚書鎮王元偓太宗第六子天僖
二年謚恭懿 太保鳳翔軍節度使贈太師尚書令相
王允弼元偓子熙寧二年謚孝定 韓國公贈南康郡
王宗績允弼子謚良孝 彰德軍節度使濟陰郡王贈
太師循王宗景允弼子紹聖中謚思

太保贈太尉尚書令楚王元偁太宗第七子真宗時謚恭
惠

太師荆淮節度大使贈天策上將軍徐兗二州牧周王元儼太宗第八子慶曆中謚恭肅 同中書門下平章事太保尚書令贈定王允良元儼子徽宗時謚榮易 良好酣寢以日為夜一宮之人皆晝臥夕興有司以其反易晦明故謚榮易

淮南荆南節度使贈尚書令兼中書令揚荆冀三州牧吳王顥英宗子謚榮

太尉贈太師尚書令荆徐二州牧益王顥英宗子謚端獻 唐王俊神宗第三子謚哀獻

豫王侁神宗第七子謚悼惠 徐王侗神宗第八子謚冲惠

太師京兆真定尹荆揚太原興元牧贈侍中吳王佖神宗第九子謚榮穆

荆南武寧節度使贈太師尚書令兼中書令冀州牧楚王似神宗第十三子謚榮憲

越王茂哲宗子三月而夭初謚冲獻崇寧元年改謚獻愍 永興成德軍節度使揚州牧贈淮南武寧軍節度使揚州

牧兼徐州牧魏王愷孝宗子謚惠獻 昭慶軍節度使贈太保沂王柄愷子謚靖惠 贈少師保靜鎮潼軍節

度使濟王竑柄嗣子本宗室希瞿子為史彌遠所誣以非命死德祐中追謚昭肅

華王恒寧宗子早薨謚冲穆

申王懋寧宗子早薨謚冲懿

順王忻寧宗子早薨謚冲懷

肅王怕寧宗子早薨謚冲昭

宋公主謚

秦國大長公主太祖姊初適米福德再適高懷德開寶中

謚恭穆政和四年改封大長帝姬謚恭懿

荆國大長公主太祖妹未笄而夭政和中改封大長帝姬

謚恭獻

魏國大長公主太祖女適王承衍大中祥符元年謚賢肅

魯國大長公主太祖女適石保吉大中祥符二年謚賢靖

梁國大長公主太祖女適魏咸信咸平二年謚貞惠後改

謚恭惠

魏國大長公主太宗女適吳元辰淳化元年謚英惠

楊國大長公主太宗女適柴宗慶明道二年謚和靖

雍國大長公主太宗女適王貽永景德元年謚懿順

衛國大長公主太宗女號報慈正覺大師不適人天聖二

年謚慈明

荆國大長公主太宗女適李遵勗皇祐三年謚獻穆

昇國大長公主真宗女號清虛靈照大師不適人慶曆七

年謚昭懷

周陳國大長公主仁宗女適李瑋熙寧三年謚莊孝後改

謚莊孝明懿

秦魯國大長公主仁宗女適錢景臻紹興中謚賢穆加謚

明懿

兗國大長公主仁宗女適曹詩元豐六年謚賢懿徽宗改

賢懿恭穆

燕舒國大長公主仁宗女適郭獻卿政和二年謚純穆改

懿穆

魏楚國大長公主英宗女適王師約元豐八年謚惠和

魏國大長公主英宗女適王詵元豐三年謚賢惠

潭國長公主神宗女適王遇大觀二年謚賢孝

秦國長公主哲宗女適潘正夫隆興二年謚康懿

徽宗政和三年改公主號為帝姬國號易以美名共三

十四帝姬早亡者十四人餘皆北遷獨恭福帝姬生

周昉得存今並不錄

周漢國公主理宗女適楊鎮謚端孝

主病時有九首鳥大如箕集主家搗衣石上遂薨帝哭

之甚哀

宋諸臣謚上

太子太師祁國公贈侍中王溥并州祁人太平興國中謚

文獻仁宗時議改文忠楊揆謂溥于周亡不能死安得

忠乃改文康

周蕭國公宋魯國公范質大名人臨終戒其子曼勿請謚

故無謚質身事二姓其戒勿請謚者慮謚之弗善耳陳

右僕射贈侍中魏仁溥汲人景德中以子咸信請謚宣懿
 鎮陳州守中書令贈尚書令追封威武郡王石守信浚儀
 人太平興國中謚武烈 鎮安軍節度使檢校太師贈
 中書令石保吉守信子大中祥符中謚莊武
 檢校侍衛步軍司事贈太師中書令杜審瓊安喜人昭憲
 太后兄乾德中謚恭僖 右驍衛上將軍贈太傅杜審
 肇審瓊弟開寶中謚溫肅 靜江軍節度使開府儀同
 三司贈中書令杜審進審肇弟端拱中謚恭惠
 河中尹護國軍節度使檢校太尉贈中書令王承衍洛陽
 人咸平中謚恭肅

武勝軍節度使贈中書令追封渤海郡王高懷德真定人

太平興國中謚武穆

鳳翔節度西面緣邊都部署贈太傅岐王王景萊州人建
 隆四年謚元靖

知鄭州贈太尉郭承祐沙陁部人仁宗時謚密

知霸州贈侍中邢國公宋偓洛陽人端拱中謚莊惠

武勝軍節度觀察留後侍御親軍馬軍副都指揮使贈彰

武軍節度使王凱太原人仁宗時謚莊恪

周滁州軍事判官宋太師魏國公贈尚書令韓王趙普幽

州薊人太宗時謚忠獻

同中書門下平章事武成軍節度使判濟州贈中書令柴

宗慶大名人仁宗時謚榮密

尚書右僕射檢校太師兼侍中景靈宮使贈太師中書令
王貽永溥孫至和中謚康靖

檢校太傅領山南東道贈中書令吳元辰太原人尚太宗
女駙馬都尉大中祥符四年謚忠惠

判右金吾衛仗兼六軍司事贈太尉李崇矩上黨人端拱
中謚元靖 振國軍節度使知許州贈中書令李遵勗

崇矩孫仁宗時謚和文 寧遠軍節度使知澶州贈感
德軍節度使李端懿遵勗子神宗時謚良定 蔡州觀

察使贈昭德軍節度使李端愨遵勗子元祐中謚恭敏
開府儀同三司贈中書令李繼隆明德太后兄上黨人真

宗時謚忠武 昭德軍節度使贈中書令李昭亮繼隆

子諡良僖

樞密使贈中書令周王曹彬靈壽人仁宗后祖父咸平中

謚武惠 河陽節度使同平章事贈中書令曹璨彬長

子天僖中謚武懿 彰武節度使贈侍中曹瑋彬第三

子天僖中謚武穆 吳王曹玘彬第五子仁宗后父謚

安僖 馬軍副都指揮使贈安化軍節度使兼侍中曹

琮彬第七子仁宗時謚忠恪 榮州刺史曹傳玘子仁

宗后兄諡恭懷

安德軍節度使醴泉觀使贈開府儀同三司曹誘侑子仁

宗皇后姪大觀中謚忠定

檢校太師都部署判并州同平章事贈中書令韓國公潘

美大名人雍熙中謚武惠

左驍衛上將軍張美清河人淳化初謚恭惠

北面行營都部署兼鎮定高陽關兩路排陣使贈侍中謙
王郭宇文太原人仁宗后父端拱中謚忠武

右千牛衛上將軍贈太尉曹翰大名人咸平元年謚武毅
寧武軍節度同平章事岐國公贈中書令陳洪進仙遊人
雍熙中謚忠順

尚書右僕射贈侍中石熙載洛陽人太平興國九年謚元

懿少師贈太子太傅石中立熙載子景祐中謚文定

司空贈太尉中書令薛居正開封浚儀人太平興國中謚
文惠

左僕射贈侍中沈倫太康人雍熙四年謚恭惠

倫子繼宗上言伏見故相薛居正謚文惠王溥謚文獻

臣父嘗歷集賢修史之職伏請改謚曰文太常趙昂等

駁曰沈倫逮事兩朝有祇畏謹守之美有矜恤周濟之

心按謚法不懈于位與夫謹事奉上執政堅固執禮御

賓率事以信接下不驕能遠耻辱賢而不伐尊賢貴讓

愛民長悌不懈為德既過能改數者皆謂之恭慈民好

與與夫柔質慈民愛民好柔寬裕不苛和質受諫數者

皆謂之惠由漢以來皆為美謚如唐溫彥博之出納明

允止謚曰恭竇易直之公舉無避乃謚曰恭惠而沈倫

徒能謹飭以自保全以恭配惠厥美居多昔張說之謚

文正楊綰之謚文簡人不謂然蓋行義有所未克雖蒙特賜誠非至公若夫大臣子孫許其為父陳情則曲臺考功之司為虐器而彰善癉惡之義微矣薛居正王溥皆奮跡辭場歷典誥命以文為謚允合國章沈倫謚伏望如故從之

右僕射贈司空宋琪幽州薊人至道二年謚惠安

特進司空贈司徒李昉深州饒陽人至道二年謚文正

尚書右丞贈禮部尚書李昭述昉孫仁宗時謚恪

太子太師贈中書令許國公呂蒙正河南壽州人真宗時

謚文穆 太尉贈太師中書令許國公呂夷簡壽州人

蒙正姪仁宗時謚文靖 司空同平章軍國事贈太師

申國公呂公著夷簡子元祐中謚正獻 觀文殿學士

西太乙宮使贈太尉呂公弼夷簡子神宗時謚惠穆

光祿少卿直秘閣知邢州呂希哲公著子謚榮

司空贈司徒張齊賢曹州人徙洛陽真宗時謚文定

禮部尚書贈左僕射郭贇開封人謚文懿

判昭文館大學士贈左僕射温仲舒河南人真宗時謚恭

肅

禮部尚書贈右僕射王化基真定人真宗時謚惠獻 太

子少傅贈太子太保王舉正化基子仁宗時謚安簡

戶部侍郎贈吏部尚書趙昌言汾州人真宗時謚景肅

知樞密院事贈侍中周瑩景城人真宗時謚忠穆 元惠 云謚

特進檢校太師贈太尉侍中王繼英祥符人真宗時謚恭
懿

知天雄軍贈中書令王顯開封人真宗時謚忠肅

知河陽軍贈太尉王昭遠阜城人咸平中謚惠和

彰德軍留後知貝州兼部署贈侍中馬知節幽州薊人真

宗時謚正惠

建雄軍節度使知青州贈尚書令魯國公王超趙州人真

宗時謚武康

樞密使冀國公贈太尉中書令王德用

超子仁宗時謚武恭

吏部尚書贈左僕射宋白大名入初謚文憲真宗言其素

無檢飭改謚文安

殿前都指揮使贈侍中許均開封人真宗時謚榮毅

太子太保贈司空呂端幽州人真宗時謚正惠

吏部尚書平章事贈太傅中書令畢士安代州人真宗時

謚文簡

太子太傅贈中書令萊國公寇準下邳人仁宗時追謚忠

愍

門下侍郎尚書右僕射平章事贈太尉中書令李沆肥鄉

人景德中謚文靖

司空太尉兼侍中贈太師尚書令魏國公王旦莘縣人真

宗時謚文正

工部尚書王素旦子熙寧中謚懿敏

左僕射昭文館大學士贈太尉中書令燕王向敏中開封

人真宗時謚文簡 密州觀察使贈昭德節度使何傳

範敏中子神宗時謚惠節 定國軍留後贈侍中後贈

吳王向經敏中孫神宗后父神宗時謚康懿 太子少

保贈檢校少師向宗回經子徽宗時謚榮縱

尚書左僕射兼中書侍郎同平章事司空冀國公贈太師

中書令王欽若新喻人仁宗時謚文穆

武寧軍節度使鄭國公贈太師中書令夏竦德安人仁宗

時謚文莊

始竦謚文正知太常禮院司馬光上奏曰臣聞大戴禮

曰謚者行之迹也行出于己名生于人所以勸善沮惡

不可私也謹按令文諸謚王公及執事官三品以上皆

錄行狀申省議定奏聞所以重名實示至公也陛下聖

德涵容如天如地哀憫舊臣恩厚無已知竦平生不協

衆望不欲委之有司槩以公議且將掩護其短推見所

長故定謚于中而後宣示於外臣等謂猶宜擇中流之

謚使與行實粗相應者亦非羣臣所敢議也今乃謚以

文正二者謚之至美無以復加雖以周公之才不可兼

取况如竦者豈所克當所謂名與實爽謚與行違傳之

永久何以爲法

光又上奏略曰臣等切跡謚法本意所謂道德博聞曰

文者非聞見博雅之謂也蓋以所行所學不離于道德

也靖其其位曰正者非柔懦苟媮之謂也蓋詩云靖其

爾位正直是與也今竦奢侈無度聚斂無厭內則不能制義于閨門外則不能立效于邊鄙言不副行貌不應心語其道德則貪淫矣語其正直則回邪矣此皆天下所共聞非臣等所敢誣加也陛下乃以文正謚之臣等顛愚不達大體不知將以何謚待天下正人君子哉且陛下所以念竦如此厚者以竦嘗為東宮臣也向者東宮之臣死而得謚者非一陛下未嘗親有所定至于竦獨不然豈非知竦所為不合衆心耶陛下必以竦為正直無疑則何不委之有司付之公議然則陛下掩護其短適所以彰之也陛下念竦不已則莫若厚撫其家至於謚者先王所以勸善沮惡非供恩澤之具也凡國家

所以馭臣下者不過禍福榮辱而已為善者生享其福死受其榮為不善者生遇其禍死蒙其辱天下雖欲不治安何可得也如有不令之臣生則盜其祿死則盜其榮名善者不知所勸惡者不知所懼滅否顛倒不可復振此其為害可勝道哉且謚法所以信于後世者為其無私也今以一臣故敗之使蒙美謚者後世皆疑謚法將安所用哉臣等所以冒犯天威與人父子為怨者誠惜國家勸沮大法不可因循虧廢也伏惟陛下哀憐依前所奏改賜竦謚天下幸甚從之乃改謚文莊
太子少傅贈左僕射孫奭博平人仁宗時謚宣 兩浙轉運使孫瑜奭子謚忠



右僕射贈侍中陳堯叟閬中人天禧初謚文忠 太子太師贈司空兼侍中陳堯佐堯叟弟仁宗時謚文惠 武信軍節度使知天雄軍贈太尉陳堯咨堯佐弟仁宗時謚康肅

司空贈太尉兼侍中莒國公宋庠雍丘人英宗時謚元獻庠初名郊諱者以郊交也宋交為不祥仁宗令改名翰林學士贈尚書宋祁庠弟謚景文

祁卒遺令勿請謚其子從之久而無謚學士承旨張方平言祁法應得謚何待于請乃謚曰景文祁之令勿請謚者避榮名也然當時又有自知名所行不善必無謚而勿請者集賢院王皞上奏曰謚者行之表也善行有

善謚惡行有惡謚蓋聞謚知行以為勸戒舊與太常博士掌王公以下擬謚皆跡其功德為之褒貶近者臣僚薨卒雖官該擬謚其家自知父祖別無善政慮定謚之際斥其謬戾皆不請謚竊惟謚法自周公以來垂為不刊之典蓋以彰善癉惡激濁揚清使其身沒之後是非昭然用為勸懲今若任其匿避則為惡者肆志而不悛乞自今後不必候其請謚兼令有司舉行如此則隱慝無行之人有所勸沮若須行狀申乞方行議謚考諸方冊別無明證惟衛公叔文子卒其子戌請謚臣謂春秋之時禮壞樂崩公叔之卒有司不能明舉舊典故至將葬始請謚于君且周制太史掌小喪賜謚小史掌卿大



夫之喪賜謚讀誅以此知有司之職自當舉行明矣詔下有司詳定如皞請焉

司徒岐國公贈太師兼侍中陳執中南昌人恕子仁宗時謚恭

時禮官韓維曰執中以公卿之子遭世承平夤緣一言遂至貴顯天子以後宮之喪問所以葬祭之禮執中位上相不能總率羣司考正儀典知治喪鳳儀非嬪御之禮追冊位號于宮闈有嫌建廟用樂踰祖宗舊制皆白而行之此不忠之大者閨門之內禮分不明夫人正室疏薄自絀庶妾賤人淫逸不制其治家無足言者宰相不能率禮秉道正身齊家方杜門深居謝絕賓客曰我

無私也我不黨也豈不陋哉謚法寵祿光大曰榮不勤

成名曰靈執中出入將相以一品就第寵祿光大矣

位行政賢士大夫無述焉不勤成名矣請謚曰榮靈不

聽改謚曰榮棄詔謚曰恭維復兩上疏爭之終不聽

武勝軍節度使檢校太尉兼侍中判河南府贈太師中書

令魏國公馮拯河陽人仁宗時謚文懿

左僕射觀文殿大學士判尚書都省魏國公賈昌朝獲鹿

人英宗時謚文元

太子太傅贈司空兼侍中梁適東平人熙寧中謚莊肅

禮部侍郎贈兵部尚書魯宗道亳州譙人真宗時謚肅簡

初太常議宗道謚剛簡後改肅簡議者以為肅不若剛

得其實云

資政殿學士判尚書都省贈兵部尚書薛奎絳州人仁宗時謚簡肅

同中書門下平章事贈太保中書令王曙河南人仁宗時謚文康

戶部侍郎知穎州贈兵部尚書蔡齊膠水人仁宗時謚文忠

樞密副使贈刑部尚書宋湜長安人真宗時謚忠定
左屯衛上將軍檢校太尉贈侍中王嗣宗汾州人真宗時

謚景莊

吏部尚書孫冲平棘人謚康簡

參知政事贈吏部尚書趙安仁洛陽人真宗時謚文定

兵部侍郎贈右僕射陳彭年南城人真宗時謚文僖

禮部尚書贈尚書右僕射任中正濟陰人仁宗時謚康懿

太子少師贈太子太傅任中師中正弟仁宗時謚安惠

樞密副使贈禮部尚書周起鄒平人仁宗時謚安惠

鎮安軍節度使贈中書令程琳博野人仁宗時謚文簡

禮部尚書贈太子太師范雍河南人仁宗時謚忠獻

太子少傅贈太子太保趙稹宣城人仁宗時謚僖質

太子少保贈太子太傅任布河南人仁宗時謚恭惠

觀文殿學士兼翰林院侍讀學士尚書左丞同郡牧制置

讀文獻通考

卷之二十四

三百七十七京

使判尚書都省贈右僕射高若訥榆次人仁宗時謚文莊

翰林學士楊億浦城人真宗時謚文

建雄軍節度使贈太師尚書令兼中書令康王高繼勳燕

人宣仁太后祖神宗時追謚穆武

涇原路副都總管兼招討經略安撫副使贈鎮戎軍節度

使兼太尉葛懷敏真定人仁宗時謚忠隱

武寧軍節度兼侍中贈太傅曹利用趙州寧晉人仁宗時

謚襄悼

太子太師贈太師兼侍中鄧國公張耆開封人仁宗時謚

榮僖

太子太保贈太尉楊崇勳薊州人仁宗時謚恭密尋改謚

恭毅

高陽關都總管贈太尉夏守贊并州榆次人仁宗時謚忠

僖 陝西副都總管兼緣邊招討副使贈昭信軍節度

使夏隨守贊子仁宗時謚莊恪

知封州曹觀修理子與妻妹同死儂智高之難仁宗時謚

忠肅

太尉贈節度使王正倫擊儂智高被害仁宗時謚忠顯

同中書門下平章事判陳州贈中書令秋青西河人仁宗

時謚武襄

資政殿大學士尚書左丞知河南府贈吏部尚書吳育建

安人仁宗時謚正肅 觀文殿大學士西太乙宮使贈
司空兼侍中吳充育弟神宗朝謚正憲

兵部尚書叅知政事贈司徒兼侍中宋綬趙州平棘人仁
宗時謚宣獻

太子少傅贈太子太傅李若谷徐州豐縣人仁宗時謚康
靖

樞密副使贈兵部尚書王疇濟陰人英宗時謚忠簡
同知樞密院事贈戶部尚書王黼趙州臨城人仁宗時謚

忠穆
戶部侍郎知諫院事贈右僕射李諮新喻人仁宗時謚憲
成

安武軍節度使贈太尉程戡陽翟人英宗時謚康穆
太子少傅贈太子太保盛度餘杭人仁宗時謚文肅

尚書左丞贈吏部尚書丁度祥符人仁宗時謚文簡
尚書左丞贈吏部尚書張觀絳縣人仁宗時謚文孝

奉國軍節度使贈太尉鄭戩吳縣人仁宗時謚文肅
叅知政事明鎬安丘人仁宗時謚文烈

叅知政事贈太子太保孫休眉山人英宗時謚文懿
工部尚書知陳州贈右漢射張詠鄆城人真宗時謚忠定

永興軍節度使兼中書令贈太師尚書令劉通并州人真
宗后父天禧中謚武懿

恩州兵馬都總管贈保寧軍節度使榮國公劉從德真宗



后兄真宗時謚康懷 真定府路馬步軍副都總管贈昭慶軍節度使劉從廣真宗后弟仁宗時謚良惠 邕州觀察使步軍副都指揮使贈從信軍節度使劉承年從德子英宗時謚莊恪

侍講學士王洙虞城人仁宗時謚文

御史吳中復言洙官不應得謚乃革罷之初夏竦卒賜謚文獻洙當草制封還其目曰臣下不當與僖祖同謚因言前有司謚王溥為文獻章得象為文憲字雖異而音同皆當改於是太常更謚竦文莊而溥得象皆易謚一吏部侍郎贈尚書左僕射王堯臣洙兄子仁宗時謚文安元豐三年子同老追訟父諱立英宗功加贈太師

中書令改謚文忠

廊延路副總管劉平開封人與元昊戰死于興州仁宗時謚莊武

殿前副都指揮使楊燧開封人神宗時謚莊敏

殿前都指揮使贈侍中許懷德開封人仁宗時謚恭毅

戶部侍郎贈戶部尚書馮元南海人仁宗時謚章靖

戶部侍郎充三司使贈禮部尚書楊察合肥人仁宗時謚宣懿

宣懿

御史中丞贈禮部尚書李及新鄭人仁宗時謚恭惠

太子少保贈尚書右僕射馬亮合肥人仁宗時謚忠肅

亮女為呂夷簡妻夷簡居相位謚之人不以為是



太子少傅贈太子太保晁迥澶州人仁宗時謚文元 資
政殿學士給事中贈工部尚書晁宗慤迥子仁宗時謚
文莊

禮部尚書集賢院學士贈右僕射薛映成都人仁宗時謚
文恭

太子太傅贈司空侍中李迪鄆城人仁宗時謚文定

右僕射平章事集賢大學士贈中書令沂國公王曾益都

人仁宗時謚文正

工部尚書同中書門下平章事會靈觀使集賢殿大學士

贈太傅中書令張知白滄州清池人仁宗時謚文節

禮官謝絳初議文節御史王嘉言知白守道狗公當官

不撓可謂正矣請謚文正王曾曰文節美謚矣遂不改

太子太師贈司徒兼侍中祁國公杜衍山陰人仁宗時謚

正獻

兵部尚書贈司空兼侍中晏殊臨川人仁宗時謚元獻

太子太保贈司空侍中穎國公龐籍武城人仁宗時謚莊

敏

彰信軍節度使同平章事判河陽贈中書令王隨河南人

仁宗時謚章惠後改謚文惠

鎮安軍節度使同平章事郇國公判河南府守司空贈太

尉侍中章得象浦城人初謚文憲皇祐中改謚文簡

太保贈太師中書令鄧國公張士遜陰城人仁宗時謚文

懿

太子少傅田况信都人仁宗時謚宣簡

司徒兼侍中永興軍節度使贈尚書令魏國公韓琦安陽

人神宗時謚忠獻

太保贈太師中書令魯國公魯公亮晉江人元豐元年謚

宣靖

鎮江軍節度使同平章事判揚州贈太保中書令秀國公

陳升之建陽人神宗時謚成肅

金紫光祿大夫尚書左僕射兼門下侍郎贈太師岐國公

王珪華陽人哲宗時謚文恭

蔡京秉政奪贈謚政和中復之

僕射判汝州司徒贈太尉韓國公富弼河南人神宗時謚

文忠

太子少保太師潞國公文彥博汾州人初以元祐黨籍無

贈謚後徽宗特命出籍追復太師謚忠烈

叅知政事贈兵部尚書楚國公范仲淹蘇州人仁宗時謚

文正 觀文殿大學士中太乙宮使贈開府儀同三司

范純仁仲淹子徽宗時謚忠宣 龍圖閣學士范純禮

仲淹子謚恭獻

太子少傅贈太子太保韓億靈壽人仁宗時謚忠獻 司

空檢校太尉贈太傅康國公韓絳億子元祐三年謚獻

肅 太子太保贈司空崇國公韓縝億子紹聖四年謚

莊敏

禮部侍郎贈禮部尚書包拯合肥人仁宗時謚孝肅

資政殿學士知青州贈兵部尚書吳奎北海濰州人仁宗

時謚文肅

叅知政事太子少保贈太子少師趙抃西安人元豐七年

謚清獻

叅知政事贈禮部尚書唐介江陵人神宗時謚質肅

資政殿學士贈吏部尚書邵亢丹陽人神宗時謚安簡

太子少師贈司徒馮京江夏人哲宗時謚文簡

侍中錢惟演倣子臨安人慶曆中謚文僖

太常張瓌謂謚法敏而好學曰文貪而敗官曰墨請謚

文墨其家訴于朝詔章得象等覆議以惟演無貪黷狀

而晚節率職自新有惶懼自憐之意取謚法追悔前過

曰思宜改謚思慶曆間二太后始升祔真宗廟室子瓌

復訴前議乃改謚曰文僖

翰林院學士知永興軍贈禮部尚書錢明逸惟演從子

熙寧四年謚修懿 邠王錢惟濬倣子淳化中謚安僖

保靜軍留後贈平江節度使錢惟濟倣子仁宗時謚

宣惠 龍圖閣學士正奉大夫贈金紫光祿大夫錢卽

倣孫徒家宜興徽宗時謚忠定

太子少師加太子太保贈司空張方平宋城人元祐中謚

文定

方平遺令勿請謚尚書右丞蘇轍為請乃謚文定

彰信軍節度使同中書門下平章事景靈宮使兼侍中贈

太師中書令隴西郡王李用和杭州人章懿皇太后弟

仁宗時謚恭僖 振武軍節度使知鄂州贈太尉李璋

用和子仁宗時謚良惠

提舉在京諸司庫務贈武安軍節度使兼太尉楊景宗郿

縣人章惠皇太后從父弟仁宗時謚章定

石州推官贈中書令清河郡王張堯封永安人温成皇后

父仁宗時謚景思

彰德軍節度使檢校太師贈開府儀同三司王拱辰咸平

人哲宗初謚懿恪

太子太師贈司徒兼侍中張昇韓城人熙寧十年謚康節

太子少師贈太子太師趙槩虞城人神宗時謚康靖

太子少師贈太子太傅胡宿晉陵人治平中謚文恭 吏

部尚書胡宗愈宿之姪謚修簡

太子少師贈太子太師歐陽修廬陵人熙寧五年謚文忠

李清臣以修變士習為古文又勸早立皇子兩預定策

謀故也

龍圖閣直學士言肇建昌南豐人紹興時追謚文昭

端明殿學士贈吏部侍郎蔡襄仙遊人乾道時以曾孫洸

請追謚忠惠

工部尚書贈刑部尚書余靖曲江人仁宗時謚襄靖

禮部尚書張存冀州人仁宗時謚恭安

樞密副使孫沔會稽人謚威敏

安德軍節度使贈開府儀同三司高誘蒙城人宣仁后姪

徽宗時謚忠定

集慶留後贈感德軍節度使新興郡王高公紀蒙城人宣

仁后姪哲宗時謚懷僖 感德軍節度使開府儀同三

司少保贈少傅高世則公紀子高宗時謚忠節

樞密直學士豐稷鄆縣人建炎中追謚清敏

文彥博嘗評稷為人似趙抃及賜謚皆以清得名

嘉州刺史贈崇信軍節度使任澤英宗母仙遊夫人弟神


宗時謚恭僖

工部尚書知陳州劉沆永新人謚文安

右屯衛上將軍贈太尉高化真定人仁宗時謚恭壯

馬軍副都指揮使贈忠武軍節度使周美靈州人仁宗時

謚忠毅



續文獻通考卷之一百四十四終

續文獻通考卷之一百四十四終

二十六十五



